



新鑄海上醫宗心領全帙卷之二十七

婦道燦然集後卷

目次

胎前條

胎前雜症條

惡阻

子懸

腹痛胎痛

尿血

子瘡

傷寒

藿亂

吐血

子煩

子滿子腫子氣

腰痛

子淋

遺尿

癩病

泄瀉

胎逆作喘

煩燥口乾

胎漏下血

轉胞病

中風

痢病

傷食

臟燥悲傷



腹中見哭
墜胎
腸覃似孕
胎孕變常紀

胎動胎漏
胎不長
畜血似孕

子死腹中
鬼胎

臨產條

產後條

產後雜症條

血暈
頭痛
小腹痛
積聚癥瘕
痢病
浮腫
傷食
發熱
中風

惡露不下
心痛
腰痛
嘔吐
呃逆
手足身痛
虛汗
瘧病

惡露不絕
腹痛
脇痛
泄瀉
氣喘
發熱
頭汗鬱月
口噤

角弓反引
發狂
癩疾
便難
小便不禁
月水不通
玉門不閉
乳疽

瘰癧
口鼻黑血
瘵勞
淋瀝
大小便出血
乳汗
行乳汗
目次畢

驚悸
咳嗽
血崩
二便
瘰疽
陰脫

皇朝嗣德萬萬年歲次庚辰三十三年正月吉日刻

板留同人寺

婦道燦然集後卷

海上懶翁黎氏纂輯

後學唐郇武春軒奉較

胎前條

審機

巢氏曰姪娠一月凝成一粒如露珠然乃太極動而生陽名曰胚胎天一生水謂之胚足厥陰脉養之經水即閉飲食稍異二月名始膏變成赤色如桃花瓣乃太極靜而生陰地二

生火謂之暉胎一作胎足少陽脉養之吐逆惡阻或偏嗜一物以

見一臟之虛也三月各始胎手厥陰脉養之形象始化乃分

男女乃太極之乾道成男坤道成女也易曰一陰一陽之謂道天人一理男女構

精萬物化生乾為諸陽之首坤為諸陰之首四月始受水精

以成血脉形象具六腑成手少陽脉養之五月始受火精以

成陰陽之氣筋骨已成毛髮始生六月始受金精以成筋口

目皆成足陽明脉養之七月始受木精以成骨遊其魄能動

左手肝位于左而藏魄也手太陰脉養之八月始受土精以成皮膚形

骸漸長九竅皆成遊其魄能動右手肺位于右而藏魄也手陽明脉養

之九月始受石精以成皮毛百節畢備三轉其身足少陰脉

養之十月足太陽脉養之精神備足受氣而生獨君主無為

故無所養也。一有養胎以五行分四時論者凡人自受

胎於胞門則手足十二經脉其氣血周流俱以攤養胎元豈

有逐月分經某經養某月之胎之理耶馬玄臺已駁之矣故

不具載巢氏一月二月是論受胎之月數為近理也

別症

胎前諸症皆因胎氣所致夫胎動胎漏皆下血但胎動有腹痛胎漏無腹痛故胎動宜行氣胎漏宜清熱也惡阻者惡心而阻隔飲食也肥者多痰瘦者多熱宜三陳湯加減日九子煩者煩燥悶亂心神也子癇者痰涎潮搐目吊口噤也子腫者面目虛浮肢體腫滿也子氣者兩足浮腫也子淋者小便澀少也轉胞者小便不通也子懸者胎氣不順湊心脹痛也蓋脾主運化婦人有胎則水穀運化不利而生濕濕則生痰痰生熱熱生風也子腫子氣者濕也惡阻者痰也子煩子淋

者熱也子癇者風也子懸者氣也轉胞者虛也濕則滲之痰則消之熱則清之風則平之氣則散之虛則補之總以祛邪保胎爲主宜詳考在雜症條下

虛實

體厚脈實青年無病健食爲實體弱脈虛中年多病食少爲虛大要菽藿辛苦之人多實膏粱安佚之人多虛

治法

當胚膏之始真氣方遇如桃花凝聚柔脆易傷也食必忌辛

婦道初卷
五
辣恐散其凝結味必稍甘美欲扶其柔脆二氣既凝如泥在
鈞如金在鎔惟陶冶之所成食氣於母所以養其形食味於
母所以養其精形精爲滋育氣味爲根本母寒子寒母熱子
熱母飽亦飽母饑亦飢因虛而感隨感而變故胎前可不慎
爲調攝哉

一墮胎宜防於一三五七月蓋單月皆臟養胎而三月又相
火所主胎最易動尤宜慎之當服清熱涼血安胎之藥又以
按月養胎之臟腑氣血虛實調之

一聖濟云或者以姪娠勿治有傷胎破血之論豈知邪氣暴
戾正氣衰微苟執方無權縱而勿藥則母將衰弱子安能保
經云重身毒之有故無殞衰其大半而止處以中庸與疾適
當亦何疑於攻治哉慎之者恐尅削破血有傷胎耳

其安胎之法有曰如母疾以致胎動者但療母則胎自安若
胎氣不固或有觸動以致母病者宜安胎則母自愈禁下婦
人年幼天癸未至屬少陰天癸旣行屬厥陰天癸旣絕屬太
陰治胎產病從厥陰者是祖氣生化之源也治法無犯胃氣

者是後天化生之源也及不可汗不可下不可利小便者恐亡其津液而傷其生氣也

凡兒在母腹中食氣於母所以養其精食味於母所以養其形故胎元以脾胃飲食爲本母子咸賴之今人膏粱厚味鬱抑氣惱而氣血漸衰痰火必熾而惡阻子癇子腫等症作矣然胎前諸症皆以安胎爲主務使氣血和平則百病不生若氣旺而熱熱則耗氣血而胎不安當清熱養血爲主若起居飲食調養得宜絕嗜欲安養胎氣則雖感別症無大害矣

丹溪曰白朮黃芩安胎之聖藥俗醫謂溫熱之劑可以養胎不知胎前最宜清熱令血循經而不妄行故可安胎白朮益脾以培萬物之母黃芩清火以滋子戶之門與其利以除其害而胎自安益母草活血行氣有補陰之功胎前無滯產后無虛以行氣中有補也胎至三四月忽然腹痛惟砂仁及些少木香能治痛行氣以安胎也八九月必須順氣用枳殼紫蘇之屬但氣虛者宜補氣以行滯用參朮陳皮歸芍甘草腹皮氣實者宜耗氣以抑陽用芩朮陳皮甘草加枳殼

趙養葵曰或問白朮黃芩安胎之聖藥胎前必不可缺乎曰未盡然也胎莖之繫於腎猶鐘之繫於樑棟柱不固其樑必撓所以安胎先固兩腎使腎中和煖脾始生氣何必定以白朮黃芩為安胎耶凡腹中有熱胎不安者宜用涼藥腹中有寒胎亦不安必用溫藥此其常也况兩腎中具水火之源為衝任之根而胎元之所繫甚要非白朮黃芩之所能安也如腎中水虧必宜壯水六味地黃玄二腎中火衰則宜益火八味地黃玄一調經當用杜仲續斷阿膠艾葉當歸五味出入於水火湯中為

捷徑總之一以貫之也諸書之所未及此趙氏之創論也馮先師表而出之且臟腑之所稟寒熱不同有臟寒不孕者服八味十補而始受胎者則受胎之後仍照常服蓋臟腑服慣不覺桂附之熱習以為常竟相安於無事更可長養胎元也若停止煖藥加以條芩清熱之品豈知能得補陽升舉者必不利於補陰下降哉必至墜胎之患而且又損於胎元矣虛極之人臟腑春夏陽和生長之氣少秋冬陰寒下降之氣多也古人用黃芩安胎是因子宮過熱不寧故用苦寒以安之

然氣血旺脾胃和胎自無虞一或有乖其胎卽墜是以胎元全賴氣血以滋養而氣血又藉穀氣以化生故脾爲一身之津梁主內外諸氣而胎元運化之機全賴脾土故用白朮以助之然惟形瘦血熱營行過疾胎常上逼過動不安者爲相宜若形盛氣衰胎常下墜者非人參舉之不安形實氣盛胎常不運者非香砂耗之不安血虛火旺腹常急痛非歸芍養之不安体肥痰盛嘔逆眩暈者非苓半豁之不安此皆治母氣之偏勝也

一地之體本重然得天氣以包舉之則生機不息若重陰互寒之區天日之光不顯則物生實罕如人之體肌肉豐盛乃血之榮旺但血旺易致氣衰久而彌覺其偏也夫氣與血兩相維而不可偏氣爲主則血流血爲主則氣反不流非氣之衰也氣之不流有似乎衰矣故一切補氣之藥皆不可用而耗氣之藥反有可施緣氣得補則愈錮不若耗之以助其流動久之血仍歸於統握中矣南山道士進瘦胎丸得此義也一女之腎臟以繫胎是母之真氣而子賴之以生養也受妊

之後宜令鎮靜則氣血調和內遠七情外薄五味大冷大熱之物皆在所禁雨露風邪不得乘間而入亦不得交合陰陽觸動慾火謹節飲食若食兔缺唇食犬無聲食雜魚致瘡癩心氣大驚而癩疾腎氣不足而解顛脾氣不和而羸瘦心氣虛乏而神不足兒從母氣不可不慎苟無胎動胎痛瀉痢風寒外邪不可輕易服藥

一便產須知曰勿亂服藥勿過飲酒勿妄針灸勿向非常地便勿登高涉險舉重勿恣欲行房心有大驚犯之難產子必

癩癩勿多睡卧時行時步勿勞力過度使腎氣不足生子解顛衣無太温食無太飽若脾胃不和榮衛虛怯子必羸瘦多病如犯修造動土犯其土氣令子破形隕命刀犯者形必傷泥犯者竅必塞打擊者色青暗繫縛者相拘攣若有此等驗如影響切宜忌之

巢氏曰姪娠三月始胎而形象始化未有定儀因感而變欲子端正莊嚴宜口談正言身行正事欲生男者宜佩弦執弓矢欲生女者宜佩韋施環珮欲子美好宜佩白玉欲子賢能

宜讀詩書古人轉女為男之法或以絳紗囊佩雄黃於左者
或潛以夫髮及手足甲置席下者或潛以斧置床下繫刃向
下者或潛以雄鷄尾長尖毛三莖置蓆下者勿令本婦知之
此蓋外象內感不信以鷄試之則一窠皆雄也蓋胎化之法
亦理之自然故食牡鷄取陽精之全於天產者佩雄黃取陽
精之全於地產者操弓矢藉刀斧取剛物之應於人事者氣
類潛感造化密移物理所有故詐婦見神像異物多生鬼恠
即其微矣象牙犀角紋逐像生山藥鷄冠形隨人變以卵告

灶而抱雛以茗帚掃猫而成孕物且有感况於人乎然造物
有不毛之地人應之婦人有無子宮者造物無不雨露之天
人應之男子皆能施化往往自失其道致斬萬世之傳圖子
者可不猛然自省乎
○處方

如將臨月胎熱者以三補丸日五加香附白芍或地黃膏血

虛者不外四物地黃湯日百加益母預為分娩地步也至於

世醫安胎多用艾附砂仁為害尤甚不知氣血清和無火煎

燥則胎安而固氣虛則提不住血熱則溢妄行胎欲不墜其

可得乎香砂皆香燥之品氣血兩傷適足以損胎矣惟寒鬱氣滯者宜之

馮先生治惡阻久吐不止脉微肢冷者竟用附子理中湯四日加五味連服數日乃安但必參朮炙草倍加則能乘載胎元其姜附之性惟從參朮之性以溫補中州卽附子走下之力不能獨發以施其用也

一若因風寒所傷而胎不安則桂枝湯日百香蘇散葱白香豉湯諒所宜用伏邪時氣尤宜悉下此卽安胎之要訣下藥

中獨芒硝切不可犯若有客犯而用白朮使熱邪留戀不解若素患虛寒而用黃芩則脾胃中氣愈傷皆足以傷胎矣

昔湖陽公主體肥難產南山道士進瘦胎方良模而產得順

利蓋肥滿之軀胎處其中全無空隙以故傷胎之藥只能耗

其外之氣而不能耗其內之真氣此用藥之妙也故胎前宜

順氣氣順則不滯用枳殼東胎散良模皆爲氣實肥盛安佚

鬱悶者立法耳若氣體微弱元氣不足或虛氣脹滿或虛寒腹痛必宜參朮大補豈謂胎前必宜耗氣之藥乎

一婦人妊娠惟在扶陰抑陽而已然胎前用藥最惡群隊若藥無專一則陰陽交錯別生他病惟枳壳散所以抑陽四物湯所以助陰但枳壳散少寒單服恐致胎寒腹痛之患以內補丸佐之則陽不致強陰不致弱陰平陽秘而胎孕安蓋婦人平居陽氣為盛無諸疾病則受娠自能經閉而養胎若陽氣太盛則陽搏於陰乃經脈妄行胎始不固故貴抑陽助陰者以此焉

丹溪曰世之難產者往往見於鬱悶安佚之人富貴養之家若貧賤辛苦者無有也方書只有瘦胎飲一案實非至當之論彼湖陽公主乃奉養太過其氣必實耗其氣使之和平故易產蓋枳壳抑陽降氣也溫隱居加木香當歸佐之若形肥之人其氣必虛久坐其氣不運而氣愈弱見在胞胎因母氣不能自運故難產當補其母之氣則見健易產矣遂於大全方四百五紫蘇飲良模六加參朮補氣藥隨母形色稟性參時加減名曰達生散良模一人參白朮白芍當歸腹皮紫蘇陳皮甘草加砂仁枳壳勝於瘦胎散多矣

一胎前用藥清熱養血爲主而清熱養血之後惟以補脾爲要此培後天元氣之本也若養葵則不用芩朮而以地黃飲一玄加杜續以補腎夫胎繫於腎腎固則胎自安此補脾不若補腎之妙也各具至理察候用之然勞神動怒情慾之火俱能墜胎蓋原其故皆因於熱夫火能消物造化自然如慣墜之婦或少食而中氣不調且不必養血先理脾胃次服補中益氣湯坤脾胃旺飲食彊方能氣血有自而生也

一胎二三月忽然腹痛不安用當歸飲當歸二阿膠甘草叁

葱四莖煎服如經閉疑似者用驗胎法以川芎爲末一五更艾湯調服腹中安靜爲經病有覺微動者爲有孕

一如因經墮胎胎氣不和轉動不安臍腹疼痛者用驗胎法

以川芎末調溫酒下二錢加當歸尤妙如胎不安及腰痛不

可忍者古續斷丸日百尤妙若因寒因滯者單砂仁散砂仁末

飲止痛行氣最捷但不可多服防其積熱也有六八九

一感風咳嗽頭痛發熱參蘇飲去半夏熱服潤膈而已風熱

者雙解散日百去芒硝石羔去半夏

一感寒胸滿嘔苦腹滿痛大便清者大正氣散日百去半夏加吳茱阿膠

一感暑眩暈煩渴尿赤驚惕嘔吐臍下苦急者香茹散日百

合苓朮湯日百或十味香茹飲日百

一感濕腹脹身重者平胃散泄者三白湯日百加砂仁厚朴

蒼朮內熱者加黃芩內傷勞力以致小腹常墜甚則子宮墜

出者補中益氣湯坤如因房勞者八物湯坤加酒炒黃芪

爲君防風升麻爲使

一內傷飲食胸脇滿痛者平胃散日三換白朮加山查麥冬黃連

一內傷姜椒熱酒腥膻炙燂以致胎熱令母兩目失明頭痛

腮腫項強者消風散日百或四物湯坤二加芩連荆防

一內傷生冷崩血或有感寒以致胎冷不轉臍腹絞痛腸鳴

泄瀉者宜從權以理中湯日四之劑治之泄甚加木香訶子

陳皮白芍粟米中病卽止

一因感傷以致胎虛寒者八物湯加吳茱阿膠

用藥

安胎杜仲固胎續斷黃芩胎熱白朮補脾砂仁胎寒何首烏
 益母野芋根補氣參朮苓莖草補血芎歸熟芎丹參澤蘭沙
 參氣滯枳壳蘇梗香附陳皮厚朴清熱黃芩黃柏梔子感中
 寒乾姜吳茱煨姜肉桂大附姜桂附中病即止

胎前雜症條

惡阻

惡乃惡心阻乃阻其臟氣不得宣通也婦人食穀味化為氣
 血下為月水凡妊娠之初月水乍聚一月為媒二月為胚三

月為胎胎既成則上食於母然在三月相火化胎之候未能
 上食於母血氣未周五味未化中氣壅實其為鬱滯痰火穢
 惡之氣盡衝於胃所以惡心有阻也妊婦稟受怯弱多有此
 症金匱曰婦人得平脉陰脉小弱其人饑不能食無寒熱而
 惡阻此妊娠也於法六十日當有此病其候嘔逆不食或心
 煩悶狀如醉酒肢體沉重擇食惡食頭目昏眩惡聞食氣多
 睡少起酷嗜酸塩菓實乃肝腎不足引以自救也設有醫者
 治逆却一月加吐下者則絕之謂絕止醫治候其自安也

一血既養胎心失所榮是以心虛煩悶法當調血散鬱用參
 朮草補中氣橘紅紫蘇木香生姜散鬱氣茯苓麥冬黃芩竹
 茹清熱解煩各參橘飲所謂胎前須順氣者此也但胎前無
 寒產後無熱至於惡阻嘔吐尤多屬熱然亦有因寒而吐者
 乃因病而非因惡阻也止則虛矣當以人參乾姜半夏凡主
 之不可遇用辛藥若吐甚而愈止愈急者停藥月餘自安
 千金方有半夏茯苓湯五百茯苓凡五百專治惡阻比來少
 有服者以半夏能動胎胎初結慮其辛燥易散也須姜汁炒以制其毒凡

惡阻非半夏不能止故仲景用人參半夏乾姜凡五百羅謙

用二陳三日九去陳皮甘草各半夏茯苓湯丹溪謂肥人多因

痰瘦人多因火用二陳加減兼治胎前惡阻痰逆嘔吐心煩

頭眩惡食俱效經曰有故無殞是也立齋曰半夏乃健脾氣

化痰滯之聖藥脾胃虛弱嘔吐或痰涎壅滯飲食少胎不安

必用半夏茯苓湯倍加白朮安胎健脾常用甚驗也惡阻而

兼腰痛者防胎墜下尤宜二陳四物坤四加條芩白朮和中

理脾為主不可升舉蓋嘔逆者氣既上升藥再上升則犯有

升無降上更實而下更虛益觸其墜矣

子煩

妊娠煩悶惟有四症有心中煩有胸中煩有子煩諸屬於熱若臟虛而氣乘心令人煩者各虛煩若積痰飲嘔吐涎沫者名胸中煩或血積停飲寒熱相搏致胎氣不安謂子煩大抵多由陰既養胎孤陽獨旺心肺虛熱是以撩亂不寧更有時當盛夏君火大行俱能乘肺以致煩燥胎動不安此因時而致之也亦當因時治之生脉散日四最佳或用知母為末蜜

瓦芡實大每三凡酒下心神不安者硃砂安神凡日百煩甚

恐傷胎者罩胎散日百切不可以虛煩藥治或有停痰積飲

滯於胸膈而煩致動胎者用茯苓防風麥冬黃芩等分竹葉

減半水煎入竹瀝調服

煩燥口乾

妊娠煩燥口乾者足太陰脾經其氣通於口手少陰心經其氣通於舌若臟腑氣虛熱乘心脾津液枯燥故心煩口燥與子煩大同小異宜知母凡日百若肝經火動加味道遙散日百

婦科經方卷之六 雜症 一

若腎經火動加味地黃丸醞

一古有婦人暴渴惟飲五味汁名醫耿隅診其脉曰此血欲凝非痰也已而果孕故古方有血欲凝而渴飲五味汁其症本屬肺腎二經有火蓋火入於肺則煩入於腎則燥胎繫於腎腎水養其胎元則不足以滋腎中之火火上爍肺變為煩燥此金動水涸之候法當滋其化源清金保肺重濁壯水滋腎為至

子懸

本草方云紫蘇飲

良樸六

治妊娠胎氣不和懷胎逼上脹滿疼

痛名子懸子懸者濁氣舉胎上湊也胎熱氣逆心胃脹滿此症挾氣者居多疎氣舒鬱非紫蘇腹皮川芎陳皮無以流氣非歸芍無以養血血氣既和而胎自降然邪之所湊其正必虛故以人參甘草補之又有曰妊娠心腹脹滿者由腹內素有寒氣致令停飲與氣相爭故令心腹脹滿者也須以脉之遲數辨之不能食者古苓朮湯倍以白朮白芍若火盛極心氣悶絕欲死紫蘇飲連進救之

子滿子腫子氣

子滿者婦人胎孕至五六箇月腹大異常胸腹脹滿手足面目浮腫氣逆不安小便不通此由胞中蓄水名曰胎水若不早治生子手足軟短有疾或胎死腹中用千金鯉魚湯日百六十六治其水若脾虛不運清濁不分佐以四君子湯坤若面目俱浮肢體如水氣全生白朮散日百一若脾濕虛熱下部作腫補中湯加茯苓坤若飲食失節嘔吐泄瀉六君子湯坤若腿足發腫喘悶不寧或指縫出水天僊藤散日百六十四若脾肺氣滯加味歸脾湯日百三十六佐以加味逍遙散日百八十二然遍身浮腫而腹腫脹

滿之甚者名爲子滿若止脚面浮腫行步艱難或脚指間有黃水出者謂之子氣直至分娩時方消也故妊娠脚腫至八月及脛脚俱腫非水氣比不可以水病治之反傷真氣凡有此者必易產因胞臟中水血俱多不致燥胎故也若初胎卽腫是水氣多兒未成體則胎必壞子腫與子氣相類但子氣在下休子腫在頭面若子滿在五六月以後比子氣與子腫不同蓋腫大則滿滿則其氣遍身而浮腫也

腹痛胎痛

金匱曰婦人妊娠六七月脉懸發熱其胎愈脹腹痛惡寒小腹如扇者子臟開故也當以附子湯日百六五溫其臟除忠可曰六七月胃肺養胎而氣爲寒所滯故胎愈脹寒在內腹痛惡寒然惡寒有屬表者此連腹痛乃知寒傷內矣小腹如扇陣陣作冷如扇之狀惡寒之異也且獨在小腹因子臟受寒不能合故小腹獨開不能斂也子臟卽子宮附子能入腎經溫下焦故宜附子湯溫其經

妊婦偶有所傷胎動不安痛不可忍用帶壳砂仁不拘多少和皮炒黑色爲末熱酒下二勺不飲酒者米飲下腹中覺熱者胎自安矣

一妊娠心腹痛或宿有痠疼或新觸風寒皆因臟虛而發也邪正相擊而併於氣隨氣上下上冲於心則心痛下攻於腹則腹痛邪正二氣交攻於內若久不瘥痛冲胞胎必致胎動潔古地黃當歸湯日百六六治婦人有孕胎痛丹溪以血虛治之故四物湯倍熟地去川芎此心法也妊娠不時腹痛或小腹重墜名胎痛地黃三當歸一煎湯主之加入參白朮陳皮因

以一味治風則經信可止或不服藥胎亦無患馮先師秘授保胎神效凡內有紅花沒藥亦此旨也若胎本不固因房室不節先漏而後墜者須作漏胎治千金方治姪娠下血不止名曰漏胎血盡子死用生地八兩漬酒搗汁服之無時

一姪娠漏胎此由衝任脉虛不能約制手太陽少陰之經血故也衝任之脉爲經絡之海起於胞中手太陽少陰相爲表裏上爲乳汁下爲月水有姪之人經水所以斷者壅之以養胎也衝任氣虛則胞內泄不能制其經血故月事時下名曰

胞漏血盡則斃又有喜怒勞役不節飲食生冷觸身風寒子臟爲風冷所乘氣血失度使胎不安故亦令下血也丹溪曰胎漏多因於血熱然亦有氣虛血少服涼藥而下血益甚食少倦怠者此脾氣虛不能攝血也當以脉候參之

一姪婦壯實六脉平和飲食如故餘無所苦但經時下者是血氣旺而養胎之餘血也不可強止亦不可使之行但以和血涼血健脾爲主佛手散坤加條芩白朮阿膠或八珍湯坤加膠艾。一腹痛而下血者爲胎動不痛而下血者爲胎

中氣虛而下墜作痛補中益氣湯以舉之

腰痛

妊娠腰痛多屬勞力任重故傷胞繫則痛甚則胞繫欲脫多致小產故宜安胎爲主胎安而痛自愈痛愈而胎能安若素安佚而腰痛必房事不節致傷胞繫也脉緩遇天陰或久坐而痛者濕熱也腰重如帶物而冷者寒濕也脉大而痛不已者腎虛也脉澹而日輕夜重者氣血凝滯也脉浮者風邪所乘也脉實者閃挫者也臨月腰痛如脫腎者將產也

胎漏下血

熊宗古曰有妊婦月信不絕而胎不損者此氣衰血盛其人必肥若以漏胎治之則胎必墜不作漏胎治之其胎未必墜誠有旨也

巢氏曰有妊則經血畜以養胎若既妊而月信每至亦未必因血盛也此因榮經有風則經血喜動以風勝故也所下者非養胎之血若作漏胎治必服保養補胎藥胎本不損強以藥滋之是助其風行水動之勞其胎必墮若知榮經有風出

漏如熱者下血必多由熱作渴四物湯坤加白朮芩連益母

或金匱當歸散日百加味養榮湯日九血黑成片三補凡日百

加香附白芍血虛來少者古膠艾湯日百或合四物湯長胎

白朮凡日百氣虛者四君湯坤加黃芩阿膠因勞後感寒以致

氣虛下陷欲墜者芎歸補中湯日百或下血如月信以致胞

乾母子俱損者用羸地炒乾姜各二錢為末米飲調服

尿血

姪婦勞傷經絡熱乘於血血得熱則滲入於脬故令尿血胎

漏自人門下血尿血自尿門下血姪娠尿血屬胎熱者多四

物湯加山梔髮灰或阿膠熹地麥門五味之類因暑者益元

散日百以升麻煎湯下稍虛者膠艾四物湯日百久者用龍

骨一少蒲黃五少為末酒調服

子淋

姪娠小便澀少淋漓名曰子淋由氣血聚養胎元不及敷榮

滲道遂使膀胱鬱熱宜歸芍調血人參補氣麥門清肺以滋

腎水之源活石通草利小便以清鬱滯名曰安榮散古方內

有活石石乃鎮重之劑恐致墜胎若臨月極妙如在七八月
 前宜去此味加石斛山柈尤穩若日久倦怠右脉微弱者此
 氣虛下陷而時墜下然氣弱腸虛而難流通惟大服人參以
 運之其便自易胎孕飲食積熱膀胱以致小便閉澀者宜古
 芎歸湯三日百加木通麥門人參甘草灯心臨月加活石為君
 熱甚者五淋散七日百因房勞內傷胞門衝仁虛者四物湯坤四
 合六君湯坤十二或腎氣丸五

轉胞病

乃子胞下壓膀胱以致小便不通胞在上而膀胱在下若以
 胞與膀胱為一物誤甚然轉胞與子淋相類小便頻數點滴
 而痛者為子淋若頻數出少不痛者為轉胞間有微痛終與
 子淋不同其轉胞症候臍下急痛小便不通凡強忍小便或
 尿急疾走或飽食忍尿或忍尿入房使水氣上逆氣逼於胞
 故尿戾不得舒張所致非小腸膀胱受病而利藥所能利也
 法當治其氣則愈若胞落則殂凡婦人稟受弱者憂悶多者
 性躁急者與食厚味者多有之

古方通用滑利等藥鮮效因思胞不自轉爲胎所壓胎若舉起胞繫自疏水道自通矣宜補中益氣湯坤服後探吐以提其氣則自通通後卽用參芪大補恐胎墜也宜四物湯合六君湯去茯苓探吐以提之不可專用滑滲之藥有素壯盛而瘦兩尺脉弱者陰虛也腎氣凡五主之甚者冬葵子赤茯苓赤芍等分水煎入髮灰少許熱者古苓朮湯合益元散日百丹溪曰有婦人孕九月轉胞小便不出下急脚腫不堪活診脉右濇左稍和此飽食氣傷胎繫不能自舉下墜壓墜膀胱

偏在一邊氣急爲其所閉故水竅不能出方用參朮陳皮炙草歸芍半夏生姜補氣養血血氣旣旺胎繫自舉頓飲之探候令吐如是四服小便通下皆黑水復重調補而愈又妊娠七八月小便不通診之脉則細弱此由中氣虛怯不能舉胎胎壓其膀胱下口因不得溺用補中湯加升舉之藥因藥劫至脹痛難忍遂令老婦用香油塗手自產戶托起其胎溺出如注脹痛頓解隨以大劑參芪補之三日後始漸起小便故

子瘖

經曰婦人重身九月而瘖者胞之絡脉絕也毋治蓋瘖謂有

言無聲經曰不能言不能者非絕然不語之謂也古人有分

經養胎之說

先陰經後陽經始於木終於水如一月肝經養胎二月胆經養胎依次相生至九月腎經十月

膀胱經以五行相生數起而推之也

然十二經之脉昼夜流行無間無日無時

而不共養胎氣也必無分經養胎之理時至九月而瘖此兒

體既長胞宮之絡脉係於腎經者阻絕不通故間有之蓋腎

經之脉上繫舌本脉道阻絕則不能言故十月分娩後而自

能言不必加治倘治之當補心腎如果腎之絡脉絕則其病

不治故豈有產後自復之理乎故經云胞之絡脉絕此絕字當作阻字解也

遺尿

孕婦遺尿者古方用白芍白薇等分爲末每三少酒調服然

亦有虛有熱赤者屬血熱古芩朮湯日百六一加山茱五味少許

白者屬虛寒安胎飲良模十或鷄脛散大要遺尿乃胞中有熱

或脾肺氣虛而然也

中風

有名子癩姪婦痰涎壅盛忽然僵仆或時發搐不省人事是血虛而陰火上炎鼓動其痰左脉微數右脉滑大者宜四物湯酒芩清熱二陳豁痰理氣機要云風本為熱熱勝則風動宜靖勝其躁是養血也治法仍以安胎為主勿過用中風之藥蓋多由血虛則生熱熱盛則生風皆內起之風火養血而風火自滅也若心肝風熱用藟藤湯日百肝脾血虛用加味逍遙散日八肝脾鬱怒加味歸脾湯日百氣逆痰滯宜紫蘇飲日百脾鬱痰滯用二陳湯日九加竹瀝姜汁

侍醒侍作有謂之兕彙者甚則角弓反張小續命湯日百急

重者黑牽角湯日百輕者四物湯加葛根牡丹秦艽細辛防

風竹瀝痰加貝母陳皮茯苓甘草或芎滑散日百

傷寒

姪娘傷寒專以清熱安胎為主外用塗臍護胎之法其或汗

或下各隨表裏所見脉症為治有表症宜汗者老活冲和湯

日百加柴胡當歸芍藥蘇葉葱白之類若裏熱實症便秘燥

七九渴者亦用大黃轉藥須酒製用有病者病當之設患真寒脉

伏厥冷者則用姜桂附子姜桂雖熱用黃連甘草製之則無害矣况應犯而犯似乎無犯若不急為調治以祛極熱極寒之病則胎為病所困而難於保全矣奈何去病寒熱之藥人多畏之傷生寒熱之病人反安之何也

癩病

妊娠寒熱皆因氣血虛損風寒乘之風為陽邪化氣而為熱寒為陰邪化氣而為寒陰陽併挾寒熱互見經曰陽微惡寒陰弱發熱此皆虛之所致不因暑氣所致宜輕解表邪兼大補氣血以主之勿泥寒熱假象也若寒熱不已薰蒸其胎胎必傷矣

一更有患胎癩者一遇有胎癩病即發此人素有肝火遇有胎則水養胎元肝虛血燥寒熱往來似癩非癩也以逍遙散清肝火養肝血兼六味丸以滋化源如子癩熱多清脾飲日三去半夏寒多人參養胃湯日百去半夏久不愈者宜用勝金丹日百以截之若傷寒癩痢交作者宜醒脾飲子日百

痢疾

飲食生冷脾傷腸痛痢疾乃作至若腹內重墮胎氣不安者此腹重墜下元氣虛而不能升舉真氣下陷也大用補中湯而自安切勿順氣行氣益增墜下之患胎繫於腎如鍾懸於樑棟柱不固鍾必墜下矣况似痢非痢者多中氣虛而不能上升脾氣虛而不能滲濕腎氣虛而不能閉藏慎勿以有形之假滯而傷無形之元氣元氣一傷變症百出胎能保者乎

霍亂

蓋因肥甘過度腐積成痰七情鬱結氣盛爲火停蓄胃中乍因寒熱之感邪正交爭陰陽相混故令心腹絞痛吐利並作揮霍變亂如邪在上胃腕則當心痛而吐多邪在下胃腕則當臍痛而利多邪在中胃腕則腹中痛而吐利俱多吐多則傷氣利多則傷血血氣受傷不能護養其胎邪氣擊鼓胎元母子未有不損者此危症不可不急治也宜香蘇散四日三百加藿香先服後探吐之

泄瀉

妊娠泄瀉不外脾腎二臟虛者居多夫血統於脾血壅胎元

則脾陰虛而食不運化下焦壅滯而清氣難舒於是水穀難消而泄瀉且胎繫於腎胎竊其氣以擁護而腎氣既弱命門火衰不能上蒸脾土此妊娠泄瀉之由也雖其間不無風寒暑濕之外感飲食生冷之內傷然屬於脾腎兩虧者乃其也本傷食

多由中氣虛弱不能運化若中氣壯實無是病也然胎元以脾胃為主脾胃強則胎係如懸鍾而不墜若傷食不化則脾困而胎不能固故凡卽消食導滯皆先以補脾健胃爲主而

推揚穀氣則飲食自化若徒事消剋不惟胎元易墮且脾虛而愈虛之化源之機竭矣

吐血

凡七情內傷六淫外感皆足致失血之症而妊娠吐血一生火熱者以氣血壅養胎元或有所感則氣逆而火上乘心煩滿悶血隨而溢也但火略有虛實之分實火當清熱以養血虛火當滋陰以補水如六味二歸脾湯五坤十則血可安而胎可固若徒用行血消血之劑胎必墜而禍不旋踵也

胎逆作喘

妊娠氣喘有乍感風寒而不得臥者客邪勝也發散自愈參蘇飲二日四主之若脾虛四肢無力肺虛不仁風寒腎虛腰疼氣短不能行步卒然氣喘不息此脾肺素虧母虛子亦虛腎氣不歸源上乘於肺也生脈散日四補中湯坤去升柴主之丹溪所謂火動作喘此胎前素多是症

又有毒藥誤服傷胎而作喘往往有之不可不察也有一人妾有懷被妻嫉妬以毒藥去之胎死病喘不得臥醫診其脈氣口盛於人迎一倍左關弦動而疾兩尺俱短而離經知其毒藥胎死以致奔迫上冲非風寒作喘乃以芎歸湯加催生藥服之果下一死胎而喘止

臟燥悲傷

仲景曰婦人臟燥悲傷欲哭象如神靈所憑數欠伸甘草小麥大棗湯主之蓋妊娠無故悲傷屬肺病臟燥者肺之臟燥也胎前氣血攤養胎元則津液不能克潤肺爲之燥故用甘草大棗以補脾

立齋治一姪婦悲哀煩躁其夫詢之云我無故但欲自悲耳
用仲景方又用淡竹茹湯日百八五佐以八珍湯坤四而愈此立
齋用八珍湯補養氣血發前人之未發有一婦人自哭自笑
者紅棗燒存性米飲調服

腹中兒哭

產寶云腹中臍帶上疙瘡兒含口中因孕婦登高舉臂脫出
兒口以此作聲令婦曲腰就地如拾物狀仍入兒口中即止
又法用空房中鼠穴土同川黃連煎濃汁飲之即止

又曰腹中作鐘聲或哭者以多年空房下鼠穴土為末酒下
或噙之即止

又云腹中兒啼者黃連煎濃汁呷之或青黛亦妙

胎動胎漏

宜與前胎漏下血條參看

姪娠胎動不安者由衝仁經虛受胎不實者也有飲酒房室
過度損動不安有忤觸傷仆而動不安有怒氣傷肝或鬱結
不舒觸動血脉不安有過服煖藥弁犯禁之藥動而不安有
因母病而胎動者但治母病其胎自安有因胎不堅固動及

母病者但當安胎其母自愈若面赤舌青是兇死也面青舌赤是母死也唇口舌面俱青吐沫者是母子俱死然胎動與胎漏皆有下血胎動則腹痛胎漏無腹痛胎動宜調氣胎漏宜清熱然子宮久虛多令墜胎其危同於風燭非正產可比

急以杜仲丸預服

日百八十六

以保胎元

一有因墜壓以致胎動腹痛砂仁畧炒焦爲末熱酒塩湯艾湯皆可調服腹中覺熱其胎自安惟犯房下血者乃真漏胎也八珍湯坤四加膠艾救之

一安胎黃芩白朮爲妙藥也以條芩爲安胎之聖藥俗人不知以爲寒而不敢用反用溫熱之藥以養胎殊不知產前宜清熱令血循經而不妄行故能養胎惟脈沉遲脾虛胃弱者非其所宜

子死腹中

胞衣未下急於胎之未生子死腹中危於胎之未下蓋胞衣未下子與母氣尚通呼吸若子死腹中胞臟氣寒胎血凝泣氣不升降古方多用行血順氣之藥及硝石水銀音魯砂也礪砂之類

但其胎已死則形軀已冷血凝氣聚復以至寒之藥下之不惟無益而害母命者多矣不知古人立方深於用意蓋子死之故因有二端用藥寒溫各存至理有妊娠胎漏血盡子死者有跌墜顛仆內傷子死者有久病胎痿子死者以附子湯日百六十四進三服使胞臟溫煖凝血流動蓋附子能破寒氣墜胎此用溫藥之意也有因傷寒熱病溫瘧之類胎受邪熱毒氣內外交攻因致胎死留於胞臟古人深慮胎受毒氣必然脹大故用硝石水銀礪砂之類不惟使胎不脹又能使胎形化

爛再副以行血順氣之藥死胎卽下此古人立方之至意也

凡脈三陽俱盛名曰雙軀若少陰微緊者

謂督脈

血卽凝濁經

養不周胎卽偏夭其一獨死其一獨生用蟹爪以下其死用阿膠以護其生甘草和藥性立方之意深遠矣人之胃氣壯實衝仁榮和則胎得其所養如魚處深淵自然和暢若氣血虛弱無以滋養其胎終不能成宜下之以免其禍然胎傷宜下而下法最宜謹慎如胎死腹中必先驗舌青腹冷口穢的確方可用下亦必先固姪婦本源補養血氣而後下之若偶

有不安未能詳審遽用峻厲攻伐安能免不測之禍惟要訣
順其自然四字最妙立齋亦云胎果不能安者乃可議下慎
之慎之前賢之垂戒深矣若欲下之硝石斷不可少

墜胎

婦人受妊諸經養胎三月屬心五月屬脾七月屬肺臟爲陰

陰道易虧故多墜耳

又云奇月屬陽火能消物而墜

須預於月前調服健脾

益氣養榮之藥

如三月常墜宜於二
月前調補五七亦然

日不可間惟一月墜胎

人所不知一月屬肝怒則多墜洗下體則竅開亦墜一次既

墜肝脈受傷下次亦墜今之無子者太半一月墜胎未及不
受胎也故一交之後最宜將息謹慎以防一月墜胎若有連
墜數次胎元損甚宜多服補氣則胎元可復其藥以養榮調
氣補腎益脾如四物湯去川芎生地換熟地加人參陳皮白
朮條芩阿膠續斷杜仲之類氣血不能榮養其胎而自墜譬
如枝枯則葉落藤萎則花墜有因七情太過五火內鬱火能
消物而墜者有因勞力切閔舒占挫傷動其胎而墜者有因怒
動肝火疎泄用事而墜者有因過於房事盜洩胎元而墜者

然小產重於大產蓋胎臟損傷胞繫腐爛治宜大補榮衛生
 賸肉養臟氣略佐消瘀若素有活胎之患者宜按症務為早
 治臨期補之不及也如因跌仆所傷須逐汚生津為主佛手
 散最妙腹痛加益母草服下痛止則母子俱安若胎已損則
 汚物併下再加香附童便製益母草陳皮煎濃汁飲之如從高
 墜下腹痛下血煩悶加生地黃芪以安之如因便內腹痛下
 血加參朮陳皮茯苓炙草砂仁末以保之如胎下而去血遇
 多昏悶欲絕脈大無力用濃厚獨參湯中童便服之小產本

由氣血大虛今當產后益虛其虛矣故較正產尤宜調補也
 一簡便方治頻慣墜胎或三四月即墜者於二月前以杜仲
 八兩糯米煎湯浸透炒去絲續斷二兩酒浸焙乾為末山藥
 五六月為末糊凡梧子大每服五十凡空心米湯下

集成三合保胎方

由勿勿集內補凡
杜仲凡白朮散三方

熟地

當歸

白朮

條芩

續斷

杜仲

各平
分

蜜凡早晚服

此為素慎
墜胎談也

治半產與正產用藥無殊總不外丹溪大補氣血為主如三

四月前胎未成形而下者名曰墜胎至於五六月後胎已成
形而下者名曰半產總屬氣血虛弱以至胎元不固愈遲者
而氣血愈虛也故千金保胎凡七百八一方最妙而趙養葵以
六味湯加杜續五味阿膠尤佳誠為安胎之聖藥也

一治小產宜十倍於正產蓋菓自蒸脫順其自然生採之根蒂
必裂每見忽畧致死者恒多蓋以因萎而墜故惡血甚少倘
有塊痛亦屬血虛氣逆惟宜大為溫補則新者生而瘀者去
若加消瘀破滯則逆氣愈攻而愈升多致不救戒之况有血

虛而腹痛者更有真陰虧損不能納氣以致疝瘕為患者先
師常以八味丸加牛必五味早晚吞服而安

一鸚馬有孕牡者近則蹄之名為護胎所以絕無小產人之
胎繫胞中氣血養之靜則神藏慾火一動則精神走洩火擾
於中則胎墜矣種玉者可知慾而不知忌乎

一半產者此氣血不續而不能長養胎元然氣血不足之中
尚有性稟偏陰偏陽或寒或熱之異自當憑脈而治如陰虛
內熱者而用艾附白朮砂仁溫煖之藥則陰道愈虧如草木

之無雨露自然枯萎也如陽虛內寒者而用芩芍涼血之劑則脾胃虛寒氣血益弱猶品菓春夏易生秋冬少結也故辨症合宜雖大寒大熱俱能益人經所謂應犯而犯似乎無犯也

胎不長

乃踰月而始生也或因氣血本虛或因胎漏下血多致踰月不產者會有十二三月或十七八月或二十餘月而始生者俱是氣血不足胚胎難長故耳凡十月之後未產者當服大補氣血之藥以培養之庶無分挽之患

總錄曰人受氣於有生十二經脈遞相資養凡胎處胞中或有萎燥者由孕婦所稟怯弱不足自周陰陽氣血偏勝非冷即熱胞胎失於滋養所以萎燥不長故也惟有滋母氣血則胎有自而長矣

鬼胎

人之臟腑調和則氣血克實風邪鬼魅不能干之若榮衛虛損精神衰弱妖魅鬼精得以感之狀如懷胎故曰鬼胎然虞天民曰晝之所思為之所見凡男女性淫而虛者肝腎相火

無時不起故勞怯之人多夢與鬼交所謂鬼胎者偽胎也非寔有鬼神交接成胎也卽經所謂思想無穷所願不遂爲白淫爲白濁流於子宮結爲鬼胎本婦自己之血液淫精結聚成塊胸腹脹滿儼若胎孕耳非偽胎而何滑伯仁醫驗有楊氏女薄暮遊廟見一黃衣神覺心動是夕夢與交腹漸大如孕伯仁診之曰此鬼胎也女道其故遂與破血墜胎之藥下如蝌蚪魚目者二升許遂安此非遇神交乎曰有是事實無是理豈有土木爲形能與人交而有精成胎乎此非神之感

於女乃女之感于神也

立齋曰鬼胎因七情相干脾肺虛損血氣虧弱失行常道衝仁有乖致之乃元氣不足病氣有餘若是經候不調就行調補庶免此症以補元氣爲主佐以行散之藥一婦人經閉八月肚腹漸大面色或青或黃用胎症藥不應診視之面青脉瀉寒熱往來肝經血病也面黃腹大少食倦怠脾經血病也此鬱怒傷肝脾之症非胎也用加味歸脾湯

加味道遙散二藥而愈

膈覃似孕

受胎有婦人年五十六十而生子如遼史所載亟普妻年六十生二男一女此又異常之尤者也

臨產條

其治產條於女科前余已纂輯爲坐草良模集凡產家病機方藥毫釐纖悉無所不備以爲緊急之資仍爲別集尚別

考焉

產後條

審機

凡產畢宜飲熱童便一盞不得便卧宜閉目而坐須臾上床

宜仰坐不宜側坐宜豎膝不宜伸足高倚床頭厚鋪裯襪遮圍四壁使無孔隙免致賊風時以人手從心括至臍下如此三日又不可大睡燕宜頻喚醒時置醋炭或燒乾漆與苗漆器以防血暈血逆夏日房中不可太熱亦不可人多氣盛以致熱則氣耗而不能送

血又不可太飽惟頻食白米薄

粥飲之日漸加之慎

言語戒七情勿勤梳頭洗足勿針線勞役以百日爲度如氣血弱者不計日月否則患手足腰脚疼痛等症各曰蓐勞最難治療最忌大喜大怒喜則氣散或生紅汗怒則氣逆或生

經曰腸覃者寒氣客於腸外與衝氣相搏氣不得榮因有所繫瘦而內著惡氣乃起瘰肉乃生其始生大如鷄卵稍以益大如懷子之狀按之則堅推之則移月事以時下此其候也此氣病而血未病故月事不斷木香通氣散日百八大辛熱之劑主之此氣結大腸爲氣病也

畜血似孕

折肱錄曰子媳申氏多鬱怒每患不月腹漸大以爲姪也十餘月而未產諸症漸見疑之醫者亦疑爲畜血欲下以体弱不勝可用暗消先用行血調血等藥竟至不起後聞盛啓東治東宮妃始大悔悼原妃張氏經不通者十越月醫以爲胎也脹愈甚上命啟東診視一一如見其方皆破血之劑下血數斗而疾平子媳病正與此合方十月外旣確知非姪當大胆下之惜醫者無胆不亦傷乎此畜血子門爲血病也

胎孕變常記

李時珍曰女子二七天癸至七七天癸絕此其常也有女年十二十三而生子如褚記室所載平江蘇達卿之女年十二

癥瘕不可獨宿恐致虛驚不可刮舌恐傷心氣不可刷齒恐致血逆須氣血平復方可治事犯時微若秋毫成病重如山岳慎之

一乳乃血氣所成產後不可食塩塩能止血令無乳汁且發嗽難治又夏忌貪涼用扇及食冷物切不可當風睡卧產后滿百日方可交合不爾致死大槩虛羸百疾多從此而得凡婦人患風氣臍下虛冷莫不由早行房也

一新產之後雖無疾病宜將息勞動調理脾胃進以美味飲食則臟腑易於平復血氣自然調和百疾不生但中氣方虛難於運化勿得過多反傷脾胃

別症

凡產后危症莫如三冲三急三冲者敗血冲心冲肺冲胃也三急者新產之嘔吐泄瀉多汗也宜詳考在雜症條下產后諸症其原有三蓋氣屬陽血屬陰陽虛生外寒陰虛生內熱產后去血過多血虛火動而爲煩燥發熱之類一也血猶水也水性就下然搏而躍之可使在山勢使之然也產后虛火上載敗血

妄行而爲頭暈腹痛之類二也少火生氣壯火蝕氣火爲元氣之賊勢不可兩立一勝則一負產后元氣大傷脾胃虛弱且土位無母難可蒸腐五穀若飲食過傷則爲痞滿吐瀉之類三也。虛實

凡臨產則勞神用力驚心去血此氣血俱傷之候醫之安得不從虛治方書云產后以補虛爲要乃成法也然亦有強壯婦人臨產甚易飲食進惡露行毫無所苦如此之流不可妄用藥餌縱有外邪亦從實治蓋養胎之血勢所當去勿以去血槩指爲虛而誤補益疾矣

吉凶

脉經曰胎前之疾其脉貴實產後之病其脉貴虛蓋產后則氣血兩虛脉宜緩滑緩則舒徐不因氣奪而急促滑則流利不因血去而枯濇俱爲吉兆若實大弦牢非產后氣血兩虛者所宜實爲邪實大爲邪進弦爲陰歛宣布不能牢爲堅著近乎無胃皆相逆之脉也叔和曰產后寸口洪疾不調者死沉微附骨不絕者生又曰沉小滑者生實大堅弦急者死面

青潰汗厥逆發喘發呃身涼煩燥譫妄神昏皆爲逆症

治法

凡產後以醋塗鼻或用醋炭更燒漆器輕輕以手從心按摩至臍則惡露尽下以杜血暈血逆如此三日不問腹痛不痛以童便和酒溫服五七次此壯實之用也蓋酒雖行血能下惡露能行乳汁然臟氣方虛不可多飲并不可產畢卽飲恐血引入四肢能令血暈如胃氣弱者裏無火者童便亦宜禁之恐傷胃氣惟頻食白米薄粥漸進羊肉猪蹄少許

丹溪曰凡產後氣血虛極之際調治一切諸症要以大補氣血爲主雖有雜症以未治之如血虛火動則補之敗血妄行則散之飲食過傷則助脾胃以消之產后諸症不可槩服補藥恐有瘀血凝滯也非行血則邪不去卽諸虛症亦須行血其氣乃復但行之有方不可過峻若虛脫者不可泥此

一產后諸症古方多用四物湯加減而丹溪獨謂芍藥酸寒伐生發之氣禁而不用蓋新產之婦氣血俱虛但存秋冬肅殺之氣而無春夏生長之機故最忌寒涼大宜溫熱之藥以

助資始資生之源也先哲製四物湯以芎歸之辛溫佐以地
芍之寒涼寒溫適中以爲女科諸疾之妙劑若用於產后必
取白芍以酒重複製炒去其酸寒之性但存生血活血之能
或再加黑姜則何不可用且芍藥性清微酸而收最宜於陰
氣散失之症豈不爲產后之要藥先賢尚諄諄告戒况寒涼
峻削者乎但知芍藥酸寒而不究生地更涼且直走血分爲
害尤甚必不得已當以熟地代之若槩以四物治產后者誤人多矣
一產后以去血爲先血滯不快乃成諸疾失產后元氣既衰

運行失度不免瘀血停留治者必先逐瘀瘀消方可行補此
第一義也但虛極不能姑待者則於峻補之中加入溫行之
藥峻補則力大而可宣通溫行則流暢而不凝滯卽實症逐
瘀亦不可用峻厲之藥產后元氣大虛恐血無主宰一仁藥
力便爲崩行不止虛則易脫猶覆水難收矣故莫若生化湯
長模行中有補補中有行溫則不滯無傷胃氣爲至當矣
八四一產后元氣大脫新血未生凡有頭疼發熱惡心飽悶諸症
皆是虛中變現之假象槩以大補氣血爲主如惡露未及補

藥中入行血之品如感冒停滯亦須補藥中兼加發散消導
勿得泛用峻厲有傷氣血因疑似之外和傷真切之元氣豈
不誤甚哉

其用藥者有三禁者佛手散

坤三九

以川芎辛散能發汗走泄

也四物湯以生地寒冷能作瀉而瘀血也芍藥酸寒伐生氣
也小柴胡以黃芩性涼能阻惡露也此用方之三禁更有三
禁不可汗不可下不可利小便弁勿犯胃及上下二焦雖有
雜症以未治之大補氣血爲主

處方

四物湯地生地性涼而滯大傷脾胃芍藥味酸而寒易伐生
氣產后常多悞人生化湯除此二味加以溫中行血之品如
產后兒枕作痛世多用消塊破血之劑然後議補又有消與
補混施不知舊血雖當消化新血亦當生養若專攻苗血則
新血轉傷世以迴生丹良模八三破血塊下胞衣其元氣甚多傷
損生化湯良模八四因藥性功用而立名也專消則新血不生專
生則舊血反滯芎歸桃仁三味善去舊血驟生新血佐以炭

姜炙草引三味入於肺肝生血和氣行中有補且得煖則血自流通惡露自盡故無後患實產後之聖藥先師馮氏因其方加入參桂牛必紅花更爲產前催生之聖藥

用藥

補虛人參黃芪白朮熟地白芍當歸茯苓鹿茸麋茸羊肉炙草大棗龍眼

溫散官桂桂心大附乾姜陳皮

逐瘀紅花桃仁川芎蘇木玄胡五靈脂蒲黃

破塊牡丹三稜莪朮乾漆血竭

○產后雜症條

血暈

產后昏冒瞑目因陰血暴亡心神失養心與胞絡君相二火得血則安亡血則危火上熾故令人昏冒火乘肺故瞑目不省人事是陰血暴亡不能鎮撫也經云病氣不足宜補不宜瀉瞑目合眼病悉屬陰暴去有形之血則火上熾但補其血則神自安心得血則能養而神不昏迷矣然甚者更當以補

氣藥兼之恐勢急而補陰不及且氣能生血也下血多而彙
名曰血脫當大服人參可以回陽若下血少而彙非血滯或
屬血竭滯者溫而行之竭者濁而補之切勿以破血行血妄
投也

一產后血彙宜輕輕扶坐燒炭沃醋或燒舊漆器令煙入口
鼻即甦急捏人中靖以待之元氣漸復不可亂動益令神氣
散亂也

馮先師曰產后血彙者由產前素虛產時亡血過多以致虛

火泛上身無所主以致昏彙凡大病太虛之症皆有之各為
血彙實非因血而致彙也方書盡曰敗血流入肝經眼生黑
花頭目旋彙不能起坐昏悶不省人事謂之血彙此血熱乘
虛逆上湊心故昏迷不省氣閉欲絕也服童便最好此論但
照晉敗血至無照晉大虛但云氣閉欲絕服童便豈童便可
挽回元氣欲絕乎一方用當歸二益母草一人參二紅花六
黑姜八煎冲熱童便服此方兼得之矣先師每遇產婦向有
血彙之症者於將產數日預服十全坤四歸脾坤十養榮坤五

調補氣血臨產人參二三兩煎服補於未產未虛之先產後

無虛可乘無彙可發也如去血過多眼花頭眩昏悶煩燥或

見頭汗古芎歸湯日百八童便甚者加人參黑姜汗多加黃

芪或八味黑神散良模單五靈脂散返魂丹良模氣虛而彙

者用人參一蘇木五水煎八童便服

惡露不下

由產後臟腑勞傷氣血虛損或胞絡挾於宿冷或當風取涼

風冷乘虛而搏於血壅滯不宜畜積在內故不下也宜溫煖

活血則血自行更有臟燥血枯不能流瘀宜滯者惟宜溫補

氣血自通不可攻之反增別病

惡露不絕

產後惡露不絕者由產時傷其經血虛損不足不能收攝或

惡血不盡則好血難安或陰虛內熱熱搏血分或挾於宿冷

致氣血不調並宜脈候參詳虛極者但宜溫補生新而瘀自

化虛不甚者則為去瘀生新可也

一產後惡露不絕若肝氣熱不能生血六味丸若肝氣虛不

能藏血逍遙散^{十一}若脾氣虛不能攝血六君子湯^{十二}胃氣下

陷不能統血補中湯^一若脾經鬱熱血不歸源加味歸脾湯

二若肝經怒火榮^血行加味四物湯^三若氣血兩虛十全

大補湯^二若肝經風邪其血沸騰加味防風湯^八若淫

慾怒氣有傷衝仁血久不止六味地黃湯^二加阿膠麥門^五

頭痛

頭者諸陽之會也產后五臟皆虛胃氣虧弱飲食不克而虛

陽失守上湊於頭陽實陰虛則令頭痛間有敗血頭痛者總

濁氣在上也雖有身熱惡寒之候只宜生化湯加減慎不可

用姜獨等藥蓋此由真陽虧損濁陰得以犯上陷入髓海為

脹為疼是非清陽升復則濁陰不降在裏內起之邪為病非

若外入之邪可表而愈也

心痛

凡產后心痛為陰血虧損隨火上冲心絡各曰心胞絡痛宜

歸脾湯^{十五}主之若寒傷心經各曰真心痛則無藥可救矣凡

產后寒氣上則心痛下攻則腹痛兼血塊者宜服生化湯^長

加桂若獨用熱藥攻寒其痛雖止而血妄行反虛產母况寒者必挾虛而燥熱者必佐陰藥方可能制其僭越之患如瘀血心痛八味黑神散良模六六四味散日百九十失笑散日百一有寒熱者當歸鬚日百九一虛寒心痛者桂心湯日百九二感寒者理中湯日百

腹痛

產后惡血或因外感六淫內傷七氣致令斬然而止瘀血壅滯所下不盡故令腹痛當審所因而治之如產婦數朝內或飲食如常忽作腹痛六脉沉伏四肢厥冷此惡血不盡傷食

畏血而脉不起也不可誤認爲氣血兩虛而用大補須兼消

導行血之藥

要畧曰產後腹中音朽疝痛緩又痛也當歸生姜羊肉湯屬客寒

相阻故以當歸通血分之滯生姜行氣分之寒君以羊肉者

所謂形不足補之以味况羊肉又能補氣疝痛屬氣弱故宜

之也

寇氏曰婦人產當寒月寒氣入產門臍下脹滿手不得犯此

寒疝也宜仲景羊肉湯日百九三或產後臍腹忽痛乃呼吸之間

冷氣乘虛而入宜當歸建中湯九日百四順理中丸九日百產後

腹痛惡露既去而仍痛四神散九日百調補之不應八珍湯坤

若痛而惡心或欲作嘔六君子湯坤若痛而泄瀉六君子

湯送四神丸九日百若胸膈飽悶或惡食吞酸或腹痛手不可

按此是飲食所傷用二陳加白朮山查以消導之若食既消

而仍痛按之不痛更加頭痛煩熱作渴惡寒欲嘔等症此是

中氣被傷宜溫補脾胃為主若發熱腹痛按之痛甚不惡食

吞酸此是瘀血停滯失笑散消之若止發熱頭痛腹痛按之

却不痛此是血虛用四物湯坤加炮姜參朮以補之

一食滯寒熱心腹痛者熹料五積散九日百加莪朮若小腹痛

者各兒枕痛單五靈脂散或加桃仁醋糊為丸氣虛四君湯

下坤血虛四物湯下坤

小腹痛

多由惡露凝結或外寒搏之久而不散必成血瘕月水不調

然有腎陰腎陽不足者益宜按脉別治

一見枕痛者見在胎中宿有血塊產時其血破敗與見俱下

則無是患矣若產婦臟腑風冷則血凝小腹結聚疼痛各見
枕痛宜芎歸益母山查香附陳皮煎服甚者加醋炒五靈脂
或六味加益母草炒黑乾姜煎服尤佳凡見在胎食母之血
十月滿足餘血成塊俗呼爲兒枕有產時血塊先動敗血裹
其子則令難產也

一有產婦小腹作痛服行氣破血之藥不效其脉洪數此瘀
血內潰而爲膿矣是因營衛不調瘀血停滯宜急治之緩則
腐化爲膿最難療治若流注關節則患骨疽失治多爲敗症

脉數而洪已有膿遲緊乃瘀血也下之則愈若腹脹大轉側
作水聲或膿從臍出或從大便出宜蠟礬丸九日百太乙膏日三
下濃而愈

一臍下虛痛者大溫經湯四日百羊肉湯七日百通用女金丹日三
加味益母丸日二

腰痛

產后惡露方行忽斷絕不來腰中重痛下注兩股痛如錐刺
入骨此血滯經絡不即通之必作癰疽宜桃仁湯日二五香

連翹湯 日二 百四

一產后腰痛者腎為胞胎所繫產則勞傷腎氣損動胞絡虛未平復風冷客之冷氣乘腰故令腰痛若寒冷邪氣連滯背脊痛久未已後忽有娠必至損動蓋胞絡屬腎腎主腰故也

脇痛

若肝經血瘀玄胡索散

日二 百五

若肝經氣虛四君湯

坤加柴胡

薄桂肝經血虛四物湯

坤

加參朮柴胡若腎水不足不能生

肝六味丸

玄

若肺金勢盛尅制肝木瀉白散

日二 百六

然若不用

姜桂辛溫助脾肺以行藥力不惟無以施功反助其脹矣

積聚癥瘕

多屬氣血為風冷所搏而成積者陰氣也五臟所生聚者陽氣也六腑所成陰性沉伏故痛不離其部陽性浮動故痛無常處瘕者假也謂其痛浮假成形無定處也癥者有徵驗也因傷食得之積聚成塊按之應手不能動搖也皆由產后氣血虛弱風冷所乘搏於臟腑與氣血相結而成也若不急治則多積結妨害月水

有產婦腹中一物時痛不已以爲血痕用行血破氣之劑兩
脇肚腹尤甚肢節間各結小核隱於肉裏以爲鱉子治亦不
效殊不知肝藏血而養諸筋何處之骨不屬于腎何處之筋
不屬于肝此肝血虛損筋涸而攣結耳養其脾土補水以滋
肝血則筋自舒八珍湯坤逍遙散日歸脾湯坤加減治之甚
者溫補腎元則真陽得而氣行乃健何有假物成形之患真
陰得而血分不枯自無筋攣脇痛之虞矣

嘔吐

產后嘔吐因飲食過多者六君子湯

坤十加查曲兼勞役者

補中湯

坤二飲食停滯者人參養胃湯

日百九脾胃氣虛者六君

子湯胃氣虛寒者加炮姜煨木香寒水侮土者益黃散

日五

肝木侮土者六君子湯加升柴命門火衰不能生土者八味

丸玄嘔吐泄瀉手足俱冷肚腹作痛者乃陽氣虛寒也急用

附子理中湯

日四

泄瀉

若食肉太早痛滯者蒸料五積散

日百九

嘔加砂仁瀉加姜附

人參泄瀉不止臍腹痛者理中凡日二加肉豆蔻若挾寒腹

痛腸鳴便清不渴者四君湯合五靈散百加肉豆蔻炒白芍

挾熱腸垢便澁痛一陣瀉一陣口渴者四君子湯坤合四苓

散日二加酒炒黃連及木通少許或益元散日五霍亂吐瀉

煩渴肢冷者理中湯日四加陳皮麥門姜煎厥冷者加附子

渴者五靈散日三轉筋者加木瓜

痢疾

多由產后腸胃虛怯寒邪易侵故腹痛如刺水穀不化洞瀉

腸鳴或下赤白急服調理中湯日五立愈若非外因所傷乃

屬腎氣虛損陽虛不能生土陰虛不能閉藏耳必用四神日

五八味凡以補腎倘誤投分利導水之劑是益虛其虛也

呃逆

產后呃逆屬脾虛聚冷胃中伏寒也夫肺主氣五臟六腑皆

稟之產后氣血益傷臟腑皆損風冷搏於氣則逆上又脾虛

聚冷胃中伏寒因食熱物冷熱之氣相為沖擊使氣厥不順

則為呃逆脾主中焦為三焦之關五臟之倉廩若陰陽氣虛

深腐壞如水故令面黃四肢浮腫醫人不識便作水氣治之
 多用導水丸日九二九治水藥極能虛人產后既虛藥又虛之
 是謂重虛多致天枉服小調經散日九七九血行腫消即愈若寒
 水侮土宜養脾肺若氣虛浮腫宜益脾胃若水氣浮腫宜補
 中湯坤一若兼喘咳而脈沉細無力此命門火衰脾土虛寒也
 宜八味凡玄一主之腹滿者氣虛而非血也補中湯送八味凡
 一以升補清陽一以歛納濁氣升降既得而脹滿自消矣氣
 虛者四君湯加蒼朮或女金丹日九二血虛者補虛湯日九二少

加白朮茯苓使水自利忌峻劑攻利

手足身痛

產后身痛者是血虛而不能榮也手足走痛者是氣血不能
 榮養四末而濁氣流於四肢則腫陰火游行於四旁則痛也
 不出養榮湯坤五二加黑姜主之

發熱

產后傷寒不可輕易發汗產時有傷力發熱有去血過多有
 惡露不去有三日蒸乳有早起勞動有飲食停滯皆為發熱

狀類傷寒要在仔細詳辨切不可猛浪發汗猶覆水難收也
蓋產后大血空虛汗之重則亡陽輕則筋惕肉瞤音純或鬱肩
昏迷或搐搦便秘變症百出凡有發熱多因血虛陽無所依
浮散於外而爲熱也宜與四物爲君去川芎生地換熟地加
軟苗柴胡人參炮姜最效蓋炮姜辛熱而兼苦鹹以火而治
火收其浮熱且能引血藥入血分氣藥入氣分更能去惡生
新有陽生陰長之道以熱治熱深合內經之旨正氣得力外
邪自散矣

養癸曰如胎前原有陰虛火動症產后去血過多必大發熱
煩燥汗出等症若依前法大補氣血其症必甚當用逍遙散
叶一清肝火養肝血因去血過多汗虛血燥之故不可泥於氣
血兩虛此以陰虛發熱立論當以脈候參詳

立齋曰新產婦人陰血暴亡陽無所附而外熱也宜四物湯
坤加炮姜補陰以配陽若誤服寒涼剋削之劑而外熱者此
爲寒氣格陽于外也宜四君湯坤加姜桂不應急加附子若
臍膚發熱面赤大渴引飲者此血脫發燥當歸補血湯日二又

曰產后虛煩發熱乃陽隨陰散氣血俱虛故惡寒發熱若誤作火症投以涼劑禍在反掌產後外感寒熱頭疼血虛者古芎歸湯日加人參紫蘇氣血俱虛者用補虛湯日加陳皮乾姜熱甚者熹料五積散日九不能止黃龍湯日二百

傷食發熱

節齋曰產後脾胃大虛多有飲食傷滯發熱勿誤作血虛而治須問若何飲食有無傷積飽悶惡食泄瀉等症只作傷食治之若發熱而飲食調者方用補血正治

立齋曰前症胸膈飽悶噯腐惡食吞酸吐瀉發熱此為飲食停滯宜四君湯坤加厚朴查曲若胸膈悶滿食少發熱或食難消化此脾胃虛弱宜四君湯加炮姜若用峻厲之劑復傷元氣則誤矣

虛汗

產后亡血多汗陰陽兩虛極危症也經曰陽氣者精則養神柔則養筋產後既亡血而反多汗乃為亡陽蓋汗本血液屬陰陰亡陽亦隨之而走故曰亡陽其用藥與他症不同輕則

參芪白朮麻黃根防風桂枝重則參附五日

產后發熱自汗古歸芪湯旦二百汗甚加白朮防風牡礪麥門

蕪地茯苓甘草或黃芪建中湯日百自汗兼腫滿者大溫經

散自汗肢體疼痛者當歸羊肉湯發汗盜汗者用猪腰子一

个糯米半合葱白二莖焙蒸取清汁一盞入人參當歸各一

錢煎服

頭汗鬱肩

產婦鬱肩其脉微弱但頭汗出所以然者血虛而厥厥而必

肩肩家欲解必大汗出以血虛下厥孤陽上出故頭汗出所

以產婦喜汗出者亡陰血虛陽氣獨盛故當汗出陰陽乃復

然產婦鬱肩虛多邪少故脉微弱中氣虛也一身之陰陽不

和故身無汗但頭汗出者何也血虛下厥則下之陰氣盡而

陽為孤陽則上出而頭汗仍喜其汗出而解者何產婦血去

過多而亡陰自陰較之陽為獨盛所以喜其汗損陽就陰則

陰陽平故曰乃復

中風

產后中風由產時傷動血氣勞損臟腑未嘗平復早見勞動致氣虛而風邪乘之冷氣客於皮膚經絡疼痺羸乏不仁少氣凡筋脉挾寒則攣急喎僻挾濕則縱緩虛弱若入諸臟恍惚驚悸隨其所傷經絡臟腑而生病焉然大全曰婦人以榮血為主因產血下太多氣無所主唇青肉冷汗出目眩神昏命在須臾此虛極生風也若以風藥治之則誤矣不問何候大與溫補十全大補湯坤加附子令人推正其身一人夾正其面空鳥入切開口灌之如不得下令側其面出之仍灌熱

者又冷又灌數次即能下少頃甦此立齊法也

產后中風名曰蓐勞口噤牙關緊急手足痲癱及強直築心

眼倒吐瀉欲死者單荆芥散

日二百十六

古荆歸湯

日二百十七

瘧病

產後血虛角弓反張病名曰瘧瘧者勁也陰氣暴虛陰虛內熱熱極生風故外現如風假症實陰血不足無以養筋所致厥陰大虛之候宜益陰補血血長而虛風自滅矣產后汗多風搏成瘧者難治

使榮衛之氣厥逆致生斯病經云呃噫者胃寒所生然亦有中氣大虛下焦陰火上冲而致者當用桂附乾姜之類

氣喘

產后氣急喘促者因產所下過多榮血暴竭術氣無主不能百達運行獨聚肺中故令喘也此名孤陽絕陰為難治惟大進參附五日或可得生

產后發喘氣促此第一危症也若作痰火實症治之必死當以人參生化湯日二加減人疑參能助喘不用致不救者多

矣况用芎歸黑姜萬無有失要知人生於氣氣壯則根本固而藏源者歛納於下運行者彊健於中何有為喘為脹之虞只有虛弱而致死者未有強壯而成病也有用人參加陳皮監制則盜洩元氣反致耗散只可消導藥中兼之單人參湯或加蘇木少許救之若敗血停留肺脹喘者用血竭陳皮沒藥等分為末酒入水調服兼用奪命丹良模六三

浮腫

產后四肢浮腫由敗血乘虛停積而循經流入四肢留滯日

口噤

產後中風口噤是氣血虛而風入頷頰口之筋也手三陽之筋絡於頷產則勞損臟腑傷於筋脉風乘之則三陽之筋脉偏虛得風冷則急故令口噤更有心氣虛極不能為語而口噤者惟以峻補之中兼以通調心氣之藥

角弓反張

產後角弓反張者因氣血耗損腠理不密汗出過多神無所主筋骨失養而有此虛象也乃氣血虛極宜大劑參桂芪朮歸地溫養之不應再加附子倍人參各參附湯如猶未愈乃藥力未到宜多用之

瘈瘲

瘈者筋脉拘急也瘲者筋脉弛縱也經曰肝主筋藏血肝氣為陽為火肝血為陰為水去血過多陽火熾盛筋無所養而然用八珍湯日三加丹皮芍藥以生陰血不應用四君加丹皮芍歸鈎藤以補脾土蓋血生於至陰至陰者脾土也且氣有生血之功耳故小兒吐瀉之後脾胃虧損亦多患之乃虛象也若肢體

婦道後卷
惡寒脉微細者此爲真狀若脉浮大發熱煩渴此爲假象惟當固本爲善若無力抽搐戴眼反折汗出如珠者不治

驚悸

產后驚悸者由產後臟虛心氣不足陰虛邪熱乘心以致驚不自安悸動不定目睛不轉而不能動診其脉動而弱者驚悸也惟宜養血佐以安神血生則神有所依矣

發狂

產后發狂者此陰血暴崩肝虛火炎之極也宜澤蘭牛膝歸地茯神遠志棗仁加童便服之若因敗血停滯用調經散十日百若因腎虛陰火上迫而爲若因心血虛損用栝子仁散十日百如狂者八味湯一玄加減服之要知產后大虛而繼生諸病則當以虛爲本而以病爲標也

口鼻黑衄

書以產后口鼻黑氣及見鼻衄爲不可治者何也蓋五臟之精花皆上注於面凡色紅赤者陽熱之生氣也青黑者陰寒之絕氣也况口鼻屬陽明多血多氣之部而見陰寒慘殺之

氣則胃中陽和之氣衰敗可知矣復至鼻衄則陽亡陰走矣
胃絕肺敗陰陽兩亡故不可治及產后舌紫黑者爲血先死
不治蓋心主血少陰氣絕則血不上蔭耳

咳嗽

產后咳嗽者悉屬胃氣不足胃爲五臟之本胃氣一虛五臟
失所百病生焉雖謂肺主皮毛腠理不密所致不知肺屬辛
金生於己土亦因土虛不能生金所以腠理不密外邪易感
其陰火上炎者宜補脾土以生金滋腎水以制火前論肺病
而責及胃者以土不能生金也何獨不思子能令母虛而責
及腎乎腎主納氣咳嗽者氣不能納雖肺病而實腎病也

癩疾

產后半月內外寒熱往來或日晡夜間發熱或一日二三度
其發有期其症類癩由氣血益竭陽虛作寒陰虛發熱也勿
以癩症治柴胡湯不可輕用惟調補氣血寒熱自除歛陽納
藏浮越自己

蓐勞

產后蓐勞由生產日淺氣血虛弱將養失所致使虛乏勞倦
乍卧乍起容貌憔悴飲食不甘咳嗽口淡頭昏目眩百節疼
痛時有盜汗寒熱如瘧四肢不舉沉重著床此皆蓐勞之候
也毋論日期必須調養平復方可動作否則氣血復傷終成
勞瘵其治當補脾爲主佐以調和氣血蓋飲食一進精氣化
生諸臟有所賴矣

產后蓐勞宜十全大補湯

坤四

去芎加續斷鱉甲桑寄生桃仁

爲末猪腎一副去脂膜姜一片棗三枚水二盞煎至一盞凡

前末藥二勺烏梅半斤荆芥五穗同水煎空心服自痛寒熱

者當歸羊肉湯

日二百
十四

腰子湯

日二百
十八

血崩

產后血崩者因所下過多氣血大虛未得平復或因勞役或
因驚恐而致也宜補心脾以統之若小腹滿痛不已而脉實
大緊數者此肝陰已竭肝氣隨敗矣難治若小腹脹滿按之
而痛者此內有瘀血未可遽止否則必致淋瀝

便難

產後便難者由腸胃無血也大腸爲傳道之官變化出焉產
后津液耗損胃中枯燥而精微不及下輸是以糟粕壅滯故
令便難由下血過多內亡津液也然大腸主津小腸主液其
大腸小腸更必受胃之陽氣乃能行津液於上焦今產后大
虛胃中元氣已虧二腸津液益損故便難者此其宜也惟宜
調中養血切不可單用麻仁枳壳徒耗腸胃中生養之氣也
淋症

產后小便淋秘之症三因云產前當安胎產后當去血此二

語最爲喫緊如產前淋或由氣虛不化當用參芪補氣安胎
不可過用滲利產後淋或由汚血阻滯當以瞿麥蒲黃爲要
藥若血虛熱鬱當用六味丸二逍遙散十一補陰養血滋其化
源佐以導血藥可也更有收生不謹以致損胞而得淋瀝者
丹溪曰有徐氏婦壯年患此因思臙肉破傷在外者且可補
完雖在內恐亦可治診其脉虛甚因悟凡難產之人多是氣
虛既產之後氣血尤虛應用峻補以參朮膏九煎以猪羊
胞湯二百極饑時飲之一月而安令血氣驟長其胞可完稍

緩亦難成功矣。二便不通，安命血脈，其氣既散，產後二便不通者，因腸胃本挾熱，產後水血俱下，津液耗竭，腸胃枯澁，熱氣燥結，故令不通也。有產婦患此，飲人乳牛乳而通，故莫若補腎蓋腎，主五液，腎主二陰也。

小便不禁

產後遺尿者，腎氣不固也。五味子丸，日三百主之。若脾胃虛弱，

以補中湯，一坤送還少丹，脾腎虛寒用八味丸，一玄四神丸，日百

大小便出血

產後小便出血者，因氣血虛而熱乘之，血得熱則流滲胞內，故血隨小便而出也。有產婦尿血面黃，脇脹少食者，此肝木乘脾土也。用加味道遙散，日補中湯，一坤兼服而愈。產後大便出血者，或飲食起居失節，或六淫七情過極，致元氣虛損，陰絡受傷也。若因膏粱積熱，醇酒濕毒，宜清之。怒動肝火，鬱結傷脾，思慮傷心，宜和肝而調心。脾大腸風熱，血熱宜涼血去風。腸胃虛弱，元氣下陷，宜大補而兼升提。况產後氣血大虛，之後復犯絡傷失血之患，可不急固脾元中氣，以爲攝血統

血之用哉

瘰癧

產后半月左右忽發瘰癧腫於四肢胸腹者是敗血不盡流滯
經絡或氣血虛弱榮氣不從逆於肉理也如敗血瘀滯者則
掀腫赤痛而脉弦洪有力當於補血行血之中佐以導瘀疎
氣爲主如氣血虛弱榮澁逆者則平場散漫而脉虛微無
力當大補氣血爲主如十全_坤八珍_坤之屬以固本原扶胃
氣氣壯血和其毒自解若以毒治而用清涼解毒勢必不膿

不潰變成壞症矣

月水不通

產后月水不通者不必藥也婦人衝任之脉爲經絡之海皆
起於胞內手太陽少陰二經上爲乳汁下爲月水若產後去血
過多乳汁常有不通若乳婦半歲一歲之內月水不行此常
候也若半歲左右便行是少壯血盛之人也若產後一二年
經水不通無他疾苦亦不必服通經之藥蓋此或勞傷榮衛
衝任脉虛氣血衰少矣但服健脾胃及滋補氣血之藥自然

通行若強通之是猶攪苗也

乳汁不行乳汁自出

產婦衝仁血旺脾胃氣壯飲食調勻則乳足而濃以生化之源旺也脾胃氣弱飲食少進衝仁柔飭則乳少而薄所乳之子亦怯弱而多病若乳汁不行有二有氣血盛而壅閉不行有氣血虛而燥澁不行虛者補之如十全八珍之類是也盛者疏之如麥冬瓜蒌仁天花粉人參葵子猪胰木通漏蘆猪蹄之類嗜食是也其有乳汁自出者若胃氣虛而不能斂攝

津液者宜補胃氣以斂之若氣血大虛氣不斂外血不榮裏而爲妄泄者宜調補榮衛以止之若未產而乳汁自出謂之乳泣生子多不育若產婦勞役乳汁湧下此陽氣虛而厥也獨參湯主之

陰脫

產后陰脫者多由婦人生產用力太過致陰下脫及陰下挺逼迫腫痛舉重房勞皆能發作清水續續小便淋瀝宜內服升補外以硫黃烏賊骨五味子爲末摻之

玉門不閉

產門不閉由元氣素弱胎前失於調養以致血氣不能收接故也十全大補湯_四有初產陰戶腫脹或掀痛不閉肝經虛熱也加味道遙散_八若腫不閉者補中湯_一加五味子雖甚腫熱切忌寒涼產后諸症總以氣血大虛為主况陰挺下脫玉門不閉皆由氣虛血脫也丹溪立齋醫案見症種種而治療無非參芪歸地加以升提收澁耳更有子宮腫大二日方入損落一片如猪肝面色痿黃潮熱自汗懶食困倦用十全

大補湯

_二坤四

三十劑而愈

乳疽

審機

婦人之乳男子之腎皆性命之根也人之氣血周行無間寅時始於手太陰肺經出於雲門穴穴在乳上斗時歸於足厥陰肝經入於期門穴穴在乳下出於上入於下肺領氣肝藏血乳正居於其間也其足陽明之脉自缺盆下於乳又衝脉者起於氣街益足陽明夾臍上行至胸中而散故乳房屬足

陽明胃經乳頭屬足厥陰肝經婦人不知調養有傷衝任且
忿怒所逆鬱悶所遏厚味所釀以致厥陰之氣不行陽明之
血熱甚或爲風邪所客則氣壅不散結聚乳間而爲癰也

別症

或硬或腫疼痛有核乳汁不出名曰妒乳漸至皮膚掀腫寒
熱往來名曰乳癰風多則硬腫色白熱多則掀腫色赤乳癰
者俗呼曰吹乳吹者風也風熱結泊於乳房之間血脉凝注
久而不散潰腐爲膿凡忽然壅腫結核赤色數日之外掀痛

脹潰稠濃湧出此屬胆胃熱毒氣血壅滯名曰乳癰有因婦
人所乳之子膈有滯痰口氣掀熱含乳而眠熱氣吹入乳房
凝滯不散遂生結核亦云吹乳若初起時忍痛揉軟吮去乳
汁即可消散失此不治必成癰腫亦有因小兒斷乳後不能
回化或婦人乳多要兒少飲積滯凝結又或經候不調逆行
失道又有邪氣內鬱結成癰腫

一婦人有憂怒鬱抑朝夕積累脾氣消沮肝氣橫逆氣血虧
損筋失榮養鬱滯與痰結成隱核不赤不痛積之漸大效年

而發內潰深爛名曰乳巖以瘡形如巖穴也

治法

凡乳癰初發不治則血不流通氣爲壅滯而與乳內津液相搏腐化爲膿治之之法凡初起發熱疼痛卽發表散邪疎肝清胃速下乳汁導其壅滯則病可愈若不散而不易成膿宜用托裏若潰後膿肉不生膿水清稀宜補脾胃若膿出反痛惡寒發熱宜調榮衛若晡熱掀腫作痛宜補陰血若食少作嘔宜補胃氣切戒清涼解毒反傷脾胃也

一乳癰爲易治治法青皮疎厥陰之滯石膏清陽明之熱生草節解毒而行汚濁之血荆防散風而兼助藥達表瓜蒌沒藥橘葉角刺金銀貝母當歸及酒佐之無非疎肝和血解毒而已加艾隔蒜灸二三十壯於痛處最效切忌刀針傷筋潰膿爲害不小

一初發切忌涼藥蓋乳本血化不能漏泄遂結實腫乳性清寒又加涼藥則陰爛宜矣惟涼藥用於旣破之後則佳初發時宜用南星姜汁敷之可以內消更加草烏一味能破惡血

逐塊遇冷卽消遇熱卽潰更加乳香沒藥以定痛內則用瓜
萸仁十宣散日二百通氣散日二百間服之然年四十以下者治
之多瘥以氣血旺故也五十以上慎勿治之多死以天癸絕
也不治自能終其天年若欲加治惟補氣血爲主

乳巖之症慎不可治此乃七情所傷肝經氣血枯槁之症治
法掀痛寒熱初起卽發表散邪疎肝之中兼以調養氣血之
藥如益氣養榮湯日二百加味逍遙散日二百之類以風藥從其性
氣藥行其滯參芪歸朮補氣血烏藥木通疎積利壅柴防蘇

葉表散白芷腐膿通榮衛官桂行血和脉輕者多服自愈重
者尚可延生若以清涼行氣破血是速其亡也

慈山府武江縣大壯社色目耆老里後題助以下

大壯社賞授從六品千戶阮文會續題十五貫

秀才裴文端題助五貫 舊副里阮文壘題助二十貫

該總阮蕩題助二十貫 舊里長阮文弟題助五貫

舊付里阮文遊助五貫 百戶阮文奉題助三貫

百戶阮文勳題助十貫 百戶阮文爭題助十貫

舊里長阮文正助五貫 百戶阮文東題助六貫

首付里阮文裘題助三貫 鄉老陳文館題助三貫

題助二貫以下 鄉老陳文路 裴文團

阮文貸 題助壹貫以下 裴文賴 阮文旺 阮文清

阮文峨 阮文柔 陳文次 阮文熾 阮文雄 陳文鳥

陳文發 阮文希 阮文栳 阮文江 阮文送 謝文暝

阮文陸 阮文免 村長阮文馨 阮文召

婦道後卷終 靈山監院苾芻戒法名清義奉書

新鑄海上醫宗心領全帙卷之二十八

坐草良模卷 原引

資始資生之德真至矣乎陽精陰血而山川毓春生夏
長而品彙成造化胚胎自有區處况下降生民豈不思
所以栽培覆幬容有不及一處耶只惟婦人臨產之辰
安危存沒總在須臾猶孤舟航海抵岸方為穩平司命
者不得不施心小胆大之智斬開破浪之融更念伊以
一縷之命全靠于我手即控總之間多岐忘羊未免流

於一惑且方書所載分演浩繁得此失彼余念其所當
 急者次列門目使線索井然以便一覽書成願之曰聖
 草良損至如胎前產後不甚生風浪何必贅叙是引
 黎氏別號海上懶翁引

目次

產訓 該十條

產難 該七因 該七條

治要 該三條

臨月 該四方

新按 一條

坐草 該七方

臨產 該二法
肝向

催生 該十方

諸家 該十八方

單方 該二十方

新按 一條

產難 該五方

諸家 該二方

單方 該十方

死胎 該八方

諸家 該十六方

單方 該二十方

胞衣不下 該五方

諸家 該十二方

單方 該二十方

藏胎衣吉方 忌太歲
忌太歲

產后惡症

該九

產后調治

該二

小兒

初生

調治

八條詳在
幼幼集

產家備用方

該四

附算胎法

目次終

皇朝嗣德萬萬歲之三十二年庚辰正月吉日新刻

板留北寧省慈山府武江縣大壯社同人寺

坐草良模卷

海上懶翁黎氏纂輯

後學唐邵武春軒奉較

產訓

該十一

條一經云姪子在腹中母子一氣流通全賴漿水

滋養十月數足血氣完全形神俱備忽然如夢始覺自能求
路而出胎元壯健胞既破而隨漿卽下故易產其困弱者轉
頭迅慢愈慢愈乏愈乏愈迟胞漿既乾汚血凝塞道路阻滯
橫生逆產子死腹中母命一纒治者必須滋其榮益其氣使

母子精力接續而運行得力乘爲溫其經開其瘀使道路通暢而子力易於轉舒再得老成穩婆在外細心接取自可萬全切勿用力太早虛費精神猛劑催生反傷氣血要知產育一門全仗氣血用事無補精神之藥焉圖胎產之功徒傷氣血之和反貽產后之疾惟保產萬全湯在後補接開導升降溫行產際產后備得其宜誠爲產家萬全之法矣

一凡臨產雖遲或一二日或四五日亦無妨產母切勿惧怕要安心定志聽其自然勉強忍痛進其飲食要坐則坐要行

則行要睡則睡保養精神爲第一莫聽穩婆逼迫用力太早切禁傍人多言恐懼以亂其心寺至自然分娩譬如登廁未急則難既急則易此理雖俗知之免禍

一若憫其痛甚急欲離身穩婆傍人彊之用力不知脉未離

經乃一息或沉滑此辰子未出胎與臍腹痛極腰間重痛眼

中如火穀道逆急未見此等症候而早自努力以致精神早疲臨產却無氣力不能運送出外多致誤事且橫生逆產手足先出亦由用力太早於兒方轉身寺母力一迫故有此禍

實無手足先出之理早效一將產最戒曲身眠卧雖腹痛甚亦宜強爲站立散步房中或凭几立切禁攣腰以阻兒轉舒尋路也使兒尋到產門被母曲腰遮閉再轉再閉子必乏力决至難產此辰雖有良方妙藥不能令子有力而動只要補接產母氣血更要心安氣和調理精神胎元漸復可保無虞又切戒其憂驚驚則神散憂則氣結血必妄行多致昏悶一產婦臨盆必須聽其自然弗宜催迫安其神志勿使驚忙直待花蒸蒂圓當自落也

一凡用穩婆必須擇老成忠厚者預先囑之及至臨產務令從容鎮靜不得用法催迫又有奸詭之婦故爲音字了愚法貌啞訝之聲或

輕事重說以顯已能以圖酬謝因致產婦驚疑害尤非細故

極當慎之立效一凡孕婦臨月忽然腹痛或作或止或一二

日或三四日胎水少來但痛不密者名曰弄胎非當產也又

有一月前或半月前忽然腹痛如欲產不產名曰試月亦非

產也凡此腹痛無論胎水來與不來俱不妨事但當寬心候辰可也

一產婦初覺欲生便當惜力調養不可用力妄施恐致臨

產乏力須待兒臨產門一迫自下若辰候未到用力徒然

一姪娠臨產不可占卜問神如巫覡之徒

覡音擻能齋肅事神明男曰覡女曰巫

恐喝謀利妄言凶險禱神所保產婦聞之致生疑懼夫憂慮則氣結滯而不順多致難產所宜戒也

一將產寺宜食稠軟白粥勿令饑渴以乏氣力亦不宜食硬

冷難化之物恐產寺乏力及遺產后

傷食之病常令稍飢為佳蓋飢則氣下產速也

產難

七因該七條

一因安逸蓋婦人懷胎血以養之氣以護之宜

常辰行動令氣血周流胎胞活動切戒久坐久卧氣不運血

不流而胎亦滯常見田野勞苦之婦忽然途中腹痛立便生

產可知

二因奉養蓋胎之肥瘦氣通於母母之所嗜胎

之所養如恣食厚味不知減節故胎肥而難產常見糟糠之

婦容易生產可知

三因淫慾古者婦人懷胎即居別室

不共夫寢以淫慾最

所當

禁蓋胎繫胞中全賴氣血養育靜則

神藏若情慾一動氣血隨耗火擾其中氣血沸騰三月以前

犯之則胎易動而多致小產三月以後犯之一則胞衣太厚

而致難產一則胎元泄漏子多肥白而不壽或瘡毒痘毒疾

厄難醫

四因憂疑今人求子之心雖切保胎之計甚疏

或問卜禱神或聞適有產變者常懷憂懼心懸氣怯產

亦艱難

五因軟怯少婦初產者神氣怯弱子戶未舒更腰曲不伸展

轉傾側兒不得出又中年婦人生產既多氣虛血少生

亦艱難

六因惶惶有一等愚蠢穩婆不審正產弄產但見腹痛遽令

努力產婦無主只得聽從以致橫生倒產子母俱傷

皆因惶惶之失

七因虛乏姪婦當產時兒未欲出用力太早及兒欲出辰母

力已乏令兒停住因而產戶乾澁產亦艱難惟可以補血催

生湯

日二三四

用之如保產萬全湯

見第五

最妙

治要

該三條

催生者乃言欲產時兒頭至產門方可服藥催之

或經日久產母困倦難生只宜服助氣血之藥令兒速生可

也大法活以疏通滯澁熱以驅逐閉塞溫以調暢諸經香以

開竅通血胞漿先破氣滯血乾者急宜滋補精血以行之倘

日久困甚者倍服人參此藥能兼治橫生逆產寔催生保產

之第一也若期未至而妄用行氣導血等劑以為催生亦猶

摘方苞之募摠宋人之苗耳

妊娠滑胎之法惟欲其坐草之期易而且速而難易之由則在血之盈虧不在藥之滑利蓋血多則潤而產必易血虧則澀而產必難故於未產之辰但當培養氣血為主而預為之地若不知此而過用滑利等物或產期未近無火無滯而妄用清火行氣沉降苦寒之藥必皆暗殘營氣走洩真陰多致血虧氣陷反為臨時大害若果肥盛氣實者如束胎瘦胎二方亦可擇用

日二百 小營 日二百 八珍 坤四 之類束胎方如紫蘇飲 見後

日二百 五福 坤二 滑胎 日二百 五福

保生無憂之 日二百 類瘦胎方如瘦胎枳壳散 見後 之類凡妊娠胎元完足彌月而生蒸落有期非可催也所謂催生者亦不過助其氣血而利導之耳

臨月 該四 凡妊娠臨月不得屈足而卧防兒轉身礙產不得沐頭以防橫逆又於所處帷房者所當禁絕火氣蓋 火能 消物必母子受傷臨期預服達生散一二劑 錦囊云 此藥能行氣血最當之良方 一云臨月不可洗足以防橫逆

達生散

出保

訣云

參苓白朮芍芎歸益母陳皮共腹皮香附紫蘇梗炙草達生臨月服之宜

益母 當歸酒炒 用尾 川芎 白芍各 陳皮 白朮 腹皮各

蘇梗 人參 茯苓各五 炙草三 香附八 姜煎 空心服 簡易

則無茯苓益草餘照本方錦囊無茯苓益母香附加青葱五

根黃楊腦七枚枳壳砂仁各半以夏加黃芩春加川芎陰秋

加澤瀉冬加砂仁氣虛倍參朮氣寔加香附陳皮血虛加歸

地形寔倍紫蘇性急多怒加黃連柴胡熱加黃芩濕痰加滑

石半夏食積加山查食後易饑加黃楊腦腹痛加木香官桂

束胎丸 二 濟陰云臨月可服束胎丸瘦胎易產

訣云白朮枳壳各等分飯丸每日食前服

白朮枳壳 寺分為末飯丸 梧子大每 日食前三十五凡溫水下

束胎散 三 出錦囊 訣云條芩苓朮與陳皮束胎此散服之宜

條芩 一 月 酒炒 白朮 二 月 不 見火 陳皮 三 月 茯苓 七 散末粥凡梧子大

每服五六十凡食遠溫水下

瘦胎枳壳散 四 妊娠七八月宜常服瘦胎枳壳散 胎滑 易產

訣云 瘦胎枳壳散所宜草一 月 芍壳五 支 又一方加香附末服湯佐以地 當 歸 枳壳 五 月 麩 炒 赤

炙草 一 月 五 少 一方加香附為末每服一少空心白湯下

按枳壳性苦寒單服恐有胎寒胎痛之疾以地黃當歸湯五炳佐之則可新按懶按胎產之理氣壯則子有力而易生若不察虛寔不辦補瀉而徒以瘦胎束胎爲事枳壳破氣胎子無力反致難產昔湖陽公主苦產難方士進瘦胎飲因奉養太過偶得有功若一槩施治無不暗受其害蓋脾胃乃化生之父母一身之墻壁能經幾番推倒乎余每臨肥寔氣盛之症惟以錦囊束胎散投之亦不敢盡劑若見小便已通利胎元已減瘦則止之多獲安穩

坐草

該七方

錦囊云臨產幾个寺辰寔存亡危迫關係母子性命古人立方甚多然婦人胎產乃大傷氣血之端惟達生散立方甚正柰惟可調理於產前生化湯用意甚深又只可調理於產后並非可濟危急催生之用也今體二方之意合成一方務在萬全屢用屢驗即名保產萬全湯以調補血氣爲

先以溫中散痰下降爲佐使元氣得力自然健運催生此不催之催也保產萬全湯五可爲臨產萬全之劑也訣云參歸炙草川芎牛必桃

保產萬全湯

五

可爲臨產萬全之劑也

訣云

參歸炙草
川芎牛必桃

仁桂典紅膠棗乾姜水煎服萬全保產利无穷人參三以五至當歸三川芎一

乾姜

一少炒

桃仁

十二粒不去衣

炙草

六分

牛膝

二

紅花

三分

肉桂

去皮六分

膠棗水煎服

如產婦壯實及無力服參

者去參亦可其效尚倍於佛手散多矣

方皆用人參當歸為君培補氣血壯其主也少加桃仁川芎黑姜炙草酒紅花溫中而散瘀滯也牛膝稍肉桂溫行導下俱無上逆冲心之患不惟催生神效產后更無瘀血凝滯百病凡補而兼溫則不滯溫而兼補則不崩升少降多則氣得提而血易下降而兼升則瘀自去而新自歸補多瀉少邪去

而元氣無傷苦少甘多瘀逐而冲和自在

藥性人參大補元氣為君當歸大補榮血為臣川芎入肝以疎鬱滯少寓升提之性則下降之藥得力桃仁苦可去舊甘可生新活能潤下乾姜溫能通行血分焦則令其下降而過其上升也炙草少緩宮中得受其益不使胎即下墜牛膝既能下行復走十二經絡令其無滯則氣血効力自為運行之勢紅花多則破血少則活血生新耳肉桂借此引經令諸藥直入血分且能散瘀生則產自易而溫可通行也醫學云臨產

切忌驚惶喪孝穢濁尼姑寡婦及不潔之人莫令入房只令老成一二人足矣俗忌人多亦難產其產婦坐者先露其臀當高處牢繫手巾一條令產婦以手攀之服固血藥輕輕屈足良久兒即順生切忌洗母動手於腹上揣摩及服催生峻藥且如菓燕自落况藉氣血充足而生乃天然之妙若苦催之則逆其性而反歿須待子已至門則腹痛陣密胞水已破并腰痛眼中如火方可坐草須按兒頭直順且正逼近產門方可用力一送若用力太早則產母困倦反致遲滯又試捏

產母中指節若見本節跳動臨盆即產又脉已離經一息六至或沉

細而滑方為產期倘胞水已下腹痛不甚而脉未離經此非產

也名曰弄產又產婦痛甚不肯舒身行動曲腰卧眠胎元轉

動尋到產門已被遮閉如此再三胎已無力決至難產故臨

產最宜戒曲身眠卧與傍人喧動驚恐靜則神安躁則神亡

恐則下焦氣迫脹而不行宜用紫蘇飲最妙氣寔用瘦胎枳

紫蘇飲六出醫學訣云蘇梗陳皮白芍芎人參甘草腹皮同姜葱煎服方為當氣脹不行即遂通

紫蘇 陳皮 白芍 川芎 大腹各五分 人參

甘草各二 姜葱煎服

枳甘散

七出 醫學

同上瘦胎枳壳散

枳壳

五

粉草

一

五

或加香附尤妙散末每服二勺白湯下

達生散

八出 醫學 訣云

一人參 白朮 草當歸 蘇梗 黃芩 陳腹皮 一个黃楊 通水煎 婦人臨產服之宜

大腹

甘草各二

黃芩

白朮

當歸

各一

人參

陳皮

紫蘇

梗葉同用 各五分

黃楊腦

个一 葱五

水煎服春加川芎夏加黃

芩秋加澤瀉冬加砂仁氣虛加參朮氣實加香附陳皮血

虛加當歸生地醫學云如腹痛而漿未破者只宜用古芎

歸湯以活血丹溪云只宜佛手散最為穩當又捷效保產

云見血方可服未可再進用長流水煎氣不順加蘇梗

古芎歸湯

九出 醫學

一名佛手散此辰連進二三劑亦宜

川芎

當歸

各二

水煎入酒服

濟陰云一切產前產后

厄憲狼狽垂危篤症皆治之簡易云或漿已破而痛少雖

痛而不密宜服安胎飲

見後

或達生散

見前

以固胎元素虛

者濃煎獨參湯

見後

補接助之切不可輕用峻藥滲水傷

氣而產愈難治者必須益其榮滋其氣使母子精神運行

得方溫其經而開其瘀使道路通達產母聽其眠食

以補飢為

佳肉食忌之但

不可過眠過食耳以保養精神為第一策雖遲三四

五日亦無妨切忌懼怕莫聽穩婆逼迫用力太早

安胎飲

十出保產

景岳無砂仁

訣云

地芍當歸與朮參陳皮蘇梗並子苓甘草砂仁川芎

寺安胎飲產婦宜尋

當歸

白芍

生地

白朮

人參

陳皮

川芎

紫蘇

砂仁

子苓

甘草

各一

姜煎服

獨參湯

一人

參隨用隔水濃煎服

臨產所向吉方

該二法

出六壬姪娠二經余每用頗效

孟月功曹

寅

仲神后

子

季以天剛加建看丙壬空處月空地產婦向之保安康

正四

七十月為孟二五八十一月為仲三六九十二月為季天剛乃辰支丙課巳壬課亥以巳亥為月空此建乃月建也

如正月建寅之類

又曰臨產之辰以傳送加婦行年魁罡為產殺

無令向之亦不可此方安床

傳送乃申支也魁罡乃辰支也

女一歲起申

位逆行至某位行年是也

假如產在五月

屬仲

以子乃神

后加午月建

午乃五月

巳亥之方為月空產婦宜安牀向

之則吉

假如產婦二十八歲一歲起申逆行二十八歲在巳以申

乃傳送加巳行年則辰戌加丑未是丑未之方乃產殺不

可安床與向之

催生該十八方

景岳云若胞漿破后一二辰辰未生即當服催生等藥如脫

花煎滑胎飲益母凡之類蓋漿乃養兒之水糝乾不產必

胎元無力愈遲則愈乾力必愈乏所以速宜催之

脫花煎

二十出景岳

凡臨產宜先服此藥催生最佳并治產難經日或死胎不下俱妙

當歸

七八

肉桂

二川芎

牛膝

各一

車前

半一

紅花

一催生

勿用訣云

當歸肉桂並川芎牛必車前子與紅水二鐘煎亦可臨產先宜嘗此藥催生最妙即神功

水二鐘煎

至八分熱服或服後飲酒數盃亦妙若胎死腹中或堅滯

不下者加朴硝三五

即下氣虛困劇者加人參隨宜若

陰虛者加熟地三

滑胎飲

三十出景岳胎氣臨月宜常服數劑易生

訣云

當歸杜仲共川芎山藥地黃枳壳同此即方各滑胎飲婦人臨月服之通當歸五川芎七

杜仲二熟地三山藥二枳壳七水二鐘煎七分食前溫

服氣虛體弱加人參白朮如便實多滯者加牛膝

益母凡

四十出景岳一名返魂丹

凡產前產后諸般奇症先所不效本草云胎前

先滯產后先虛

益母草

紫花者是白者非也

五月採取連根莖葉

勿犯鉄器晒乾磨爲細末蜜凡礮子大每服一凡用熱

酒和童便化下或隨症用湯引送下一云倉卒用生搗

汁入蜜少許服之甚妙 醫學云如胞漿破已久而產

猶難下乃破血多而血乾澁必用古黑神散血虛合古

芎歸湯見前第九氣弱合四君湯坤此辰如舟在砂上須湧

水而後可通內服此藥外用葱式斤搗爛鋪於小腹上

用急水灘頭砂一斗炒熱將布祙房六切音祙也於葱上輕

古黑神散

十 保產號神應散金治橫逆神效錦囊云
五 此藥如魚得水宜速服最妙

百草霜羅細白芷 加麝香厘散末每二水煎入童便米醋調服

四君湯坤人參三白朮四茯苓二炙草一姜煎服

景岳云胎未順而胞先破者其因有二一由母氣質簿

胞衣不固因兒轉動胞觸而破此氣血之虛也一由兒

身未轉而坐草太早用力太過而胞先破者此舉動之

傷也宜急用峻補以助氣血如四物坤二五物日二百九滑

胎見前三脫花見前十二五福日二十芎歸前九八珍坤四之類

入珍一斤加益母四或黃芪芎歸斤效以大釜煎藥氤氳

滿室使產母口鼻俱受其氣亦良法也濟陰云凡臨產艱難一二日不下者宜服三合濟生湯

三合濟生湯

六十訣云

川芎枳壳並當歸附草紫蘇大腹皮臨產艱難宜服此方各三合清

生當歸三

川芎

枳壳

香附

炒大腹皮

姜汁洗

蘇葉

粉草

各八分

一方加白芷水煎待腰痛甚服之即產錦囊

云胞漿已破惡水來多胞乾不得下先以四物湯佐之

以四君湯補養氣血次煎濃葱湯洗產戶使上下氣通

更以麻油滑石塗產門內服催生保產萬全湯

前或用

無憂散以固其血血已耗散速用八珍湯加益母

無憂散

七十訣云

當歸白芍典川芎枳壳木香甘草同再入乳香髮灰等服之固血即為功

當歸

川芎

白芍

枳壳

乳香

髮灰

各三分

木香

甘草

各二分

煎成後入乳香髮灰和勻不拘辰服

四物湯

坤二

當歸

川芎

白芍

生地

各五

醫學云或有露頂正順而生猶遲滯恐外感風冷寒暑

肝沮如復恐氣散血沸宜五苓散

九日

或三退六一散

冬月氣凝血滯宜五積散或六一散

五苓散

十出醫入學

訣云

五苓散內茯苓澤左白朮肉桂

為猪苓

澤瀉

茯苓

白朮

肉桂

加葵子煎服

三退六一散

九訣云

方名三退六一散益元合用惟一男髮蛇蟬蠅穿山各燒存性均為末

益元散

一

男子髮

一團用香油熬化

蛇蠅

條蟬蠅

五穿山

片

各燒存性為末用蘘水煎數沸入髮灰拌勻服之催生

神效簡易云不但多用常服催生甚速

催生五積散

二兼治死胎水破二三日不產即退下

訣云

朮芍芎歸朴茯苓陳甘白芷桂姜星杏仁桔梗川烏附木半阿膠散末精蒼朮少桔梗

五陳皮

三白芷

桂心

甘草

川芎

各一當歸

乾姜

厚樸

白芍

茯苓

半夏

枳壳

川烏

南星

附子

各木香

半阿膠

杏仁

各右各散末溫酒

調服覺熱悶加白蜜新汲水調服冬月用之行血即產

惟未散血者忌服 懶按此方性味壯熱率皆溫經行

氣導血散陰寒之劑蓋惟北方隆冬四野銀山適冰三

尺不得不然如我國在赤道下不宜例此

六一散

二訣云

滑六少今草一少再加葵子二少連此方各日六一散水道乾枯服則痊

滑石六 甘草一 加葵子二 右散末每服二熱服治

水道乾澀不能下及多服黑神澀藥簡易云有產水乾

經日不下或觸犯邪穢之氣心煩燥悶者用兔腦凡如

腰痛須用參乳方或參歸湯六封固陰乾每一凡醋湯或赤小豆煎湯下隨男左

兔腦丸二 錦囊各催生丹无鼠內腎益母
和凡硃砂衣醋湯赤豆服皆宜鼠內腎
益母草乳香一分射一厘兔血
鼠內腎一丁香一益母

各一乳香一分麝香一厘為末兔血和凡如芡實大硃砂為衣

油紙封固陰乾每一凡醋湯或赤小豆煎湯下隨男左

女右手握藥出是神效

參乳湯三 人參 乳香各神砂五為末鷄子清調姜汁

參歸湯四 黨參一當歸五川芎三煎湯頻服

保產云有五六日不下垂危及虛弱女子交骨不開宜

用龜壳散服之骨開而生此方催生甚速不論生胎死

胎投之立下 龜壳散五 簡易號千金

訣云 龜壳散內有龜壳再用芎歸婦人髮
燒灰散末煎三交骨不開服即發 龜壳一

婦人髮一握生過 當歸 川芎各一 龜壳燒灰存性

男女即用

各散末每三水煎服交骨不開乃陰氣虛也蓋由元氣
虛弱胎前失於調攝致血不能運達景岳以加味芎歸
湯日二百三十補血開之大有奇效或十全坤四尤妙
保產云有臨產用力過多脉氣微弱精神困倦頭目眩
暈口噤面青髮直不省人事用來甦散

來甦散

二訣云

木香神曲麥陳皮白芍阿膠草与芪糯米苧根開口擦各來甦散用之奇

木香

神曲

陳皮

麥芽

黃芪

阿膠

白芍

各

苧根

音

甘草

各

糯米

一合

氣虛加姜煎抗口

灌之速

進

爲妙

醫學云有胎肥氣逆或人瘦血少或胎弱致臨產難生

用無憂散

前十

錦囊云凡臨產經日不下用開胃膏

濟

名乳砂丹水爲凡先灰酒下

開胃膏

二

明乳香

一

端午日研細猪血

心

爲凡如鷄頭大

送下

趙養葵加龜板經

一刺其木枝幹直

硃砂爲衣以佛手散

即名芎歸湯是也

送下

趙養葵加龜板經

一刺其木枝幹直

疏云交骨不開以柞木湯飲則立開

柞木每葉下必發

一刺其木枝幹直

上錦囊用生化湯加龜板

一集諸家催生各方以備臨辰擇用

該十

方

三退散

二八

出濟陰

蛇蠅

一條

蟬蛻

十四枚

男子髮

如鷄大子

俱燒灰為末分二服酒調下兼治橫逆死胎

一方用蛇蠅蟬蛻燒存性白榆皮煎湯下

百花膏

二九

麻油一小鐘細火熬數沸凡影過滑石少酒

童便各半鐘攪勻溫服其胎順利而出冬寒去滑石

龜甲散

三十一

出保產

龜甲

一斤

燒存性放地上碗覆出火

毒研細酒調服立出

五功散

三十一

出良方

當歸

枳壳

木通

滑石

各二

水二盞煎七分瀝出清汁熱酒半鐘候兒轉身須服之立

如聖散

三十一

出錦囊

葵子不拘多少每二熱酒調下

經驗方用七七數或三十粒歌曰黃金炳子三十粒研

細酒調能備急命若懸絲在須臾能使眷屬不悲泣

榆皮散

三三

出濟陰亦治妊娠活胎易產白榆皮

甘草

各一

葵子

二

為末每二少煎服

如聖散

三三

出簡易治難產

紫蘇

梗

當歸

各

寺用長流

催生立應散

三三

出濟陰治產難橫逆

訣云車前當歸各一兩白芷冬葵芍枳壳車前當歸各一兩白芷冬葵芍枳壳

冬葵腹皮芍必各一兩水煎服之能立產

白芍水煎酒入少許服之立產

催生散三出濟陰亦即芍歸湯加腹皮枳壳白芷

一方加益母麻仁去腹皮

一方七出保產桃仁赤芍白官桂牡丹

茯苓各一腰痛漿下方可服水煎熱服

乳砂丹三出濟陰治產難明乳香為末以猪心血為

凡如梧子大硃砂為衣每服一凡細嚼冷酒下良久未

生再服或以蓮蒂七令水煎化服二凡未生再服

二香散三出濟陰硃砂乳香麝香等分為末酒調服立產

黃金散四出濟陰治生產二三日難分娩者服之如神

真黃金大者五片小者七片以小磁鐘入水少許去紙入金在內

用指研勻後添水至半鐘令人扶產婦虛坐煎藥溫服即下

如神散四出濟陰催生累效寔是靈身於理雖難通於事寔是效一各千里馬真為神奇

用路上草鞋一隻一名千里馬取鼻取梁上繩一段洗淨燒

灰童便酒下三少

滑水無憂散二四出濟陰

益母急性子當歸各四兩只壳一兩生地蘇葉赤芍肉桂川芎

陳皮甘草各一少鯉魚一尾專治十月已足多因恣情多喫熱毒之物痰血相搏臨產艱難及橫逆死胎服此

二貼加烏金凡二顆效如神訣云益母芍歸陳枳壳地蘇草芍鯉魚活急性子肉桂烏金服之生產自活

分作二服每服用水三碗先將魚入水畧温急取魚出

魚死則難取效矣後下藥煎至兩碗臨服之時加入好

酒一茶匙每一碗加烏金凡一顆如死胎急取無根水

再煎藥連進二次即下

烏金凡三四一名七寶丹一名七聖丹臨產腰痛方可服

訣云白礬白芷桂當歸姜黃玄沒細末為玄胡當歸

白芷 白礬 姜黃 沒藥 桂心各等分細末每服一

二少燒犁頭令烘滓酒調下 臨陣痛寺二少服即下

阿膠散四出簡易 阿膠二赤豆二斤右以水九斤燂

豆令熟去滓納膠合淨每服五合不覺再服不過三服

催生萬全不待遇僊丹四 訣云催生不待遇仙丹蛇

和凡碑子大臨辰草麻子四十粒硃砂各一雄黃各一

蛇蠅

燒一灰

右爲末漿水飯和凡如礮子大臨產寺先用

椒湯淋藻臍下次安藥一凡於臍中用草紙數重覆上

以帛束之須臾生下急取藥去一凡可用三四次

一備採諸家催生單方以便急用

該二十六方得於本草綱目太半

一家傳秘方以古芍歸湯加葵子急性子煎服

一方益母草搗取汁七合煎取半頓服立下

無新者用乾煎

一方產婦令握石燕兩手各一枚須臾卽產

一方益母草半升溫酒調服入口卽產萬不失一

一方桂心爲末童便酒調服一以神效

一名救苦散

一方用伏龍肝研末每一以酒調服兒頭戴土而出

一方臘月兔頭骨煨爲末葱白湯下調服二以立產

一方燒銅錢通紅放酒中飲下

一方用魚膠一片新瓦上煨灰陳醋調服立下

一方取弓弩弦以縛腰及燒弓牙令赤納酒飲

下取快速之姜

一方取神曲末水服方寸匕

一方當歸末酒調一以服良久再服

一方赤小豆爲末東流水服方寸匕

一方以早軸脂一大豆服兩凡

一方紅苧與馬齒菜同焙蒸臨產服之卽下

一方車前子爲末酒服二升

一方取夫帶袴五寸燒存性酒調服

一方兔皮燒灰亦驗 一方吞槐子十四粒卽產

一方取槐樹東枝令產婦握之易產

一方取紫蘇煎湯調益元散服之神效

一方槐子十四枚蒲黃一合納酒中調溫服未下再服

一方生姜地黃汁各半斤合煎服 一方龜甲燒存性酒調服

一方蛇蠍一條全者燒灰麝一字酒調服

一方蒺藜同貝母末服弁治胞衣不下

新按懶按催生一節乃不得已用之先哲諄諄告戒相

望于冊詳而且備凡謂之催者乃不過補助氣血而爲

之用也使氣血運化而胎產自易蓋胎元完足彌月而

生譬由菓熟蒂圓而落此自然之理熟落有期何苦相

催味者不曉此理投之以峻厲之藥於日子未到之寺
何異乎摘方苞之萼徒自損傷反懼其禍若臨產脉未
離經陣痛未密腰未如折眼未如火此寺惟靜以待之
用藥補助氣血使母子精神接續以爲運行之速切不可
以烈惡之品欲速建功而爲催促若胞破漿乾之候
尤爲補接氣血之秋且胎元全藉胞漿以爲滑生之路
漿乾則路澁若捨氣血之外將何以爲潤活之用乎此
要係在氣血不在催迫也至於橫逆乃人事不謹於初

須有人力智巧以全之非藥石之所能及此又非催生
之可濟也若胞死係是存亡危迫勢在須臾惟以攻下
爲計此又非尋常活利之品而可及凡所催而宜催者
惟於胎元轉身已得正順而猶遲滯或爲外觸之因或
失用力之早此寺力乏不能送下固可催之然催之中
亦不失顧盼於氣血之分因所因而調之又畧加濡潤
之品如猪脂油蜜酥油葱白葵子牛乳白榆皮滑石之
類則可也余常治數婦一婦腰痛三日夜痛雖密而脉

未離經此婦體質厚滯惟以達生散前加香附木香兼
芎歸湯前加葵子閒服彼嫌效遲載舟別求他醫至于
半途乃產下此日子未到合當聽其自然倘執持不定
患於彼家催促湯藥亂投未必不爲阻遏之禍一婦腹
痛纔半日胞漿未多余惟以八珍湯坤四加益母大劑
濃煎成稀膠頻頻灌服經日未見產下彼家憫其痛楚
促求催生之藥余不得已每劑只得詭言更方然前後
只用八珍補接彼厭藥力無神再求別醫調治將一二

寺間峻劑催逐果至胎死腹中噫醫不審此陸地行舟
不爲決堤之水何以流通惟知催促迫自取其禍一婦因
於大病後臨產形體瘦削腹痛二日夜胞破已久而產
猶難下胎中恬然不見動息彼家惶恐以爲胎死切求
余攻下之以保母命余以產母病後氣血虛損故胎元
無力矣且兩尺沉微真陰真陽虛竭倘補助後天氣血
乃標末之見不若懇求氣血之根方爲可濟余乃以八
味作湯大劑濃煎以布參膏冲服果一劑產母精神倍

加二劑胎元活動轉胞而生此惟以補氣之血根爲用使
母子運行得力不催而催異哉以陰陽之藥而爲催生
之需實法外之一也此可知凡欲生產活易不外乎氣
血二字而已反之則歿余姑舉其甚效者爲可據之症
類於此者何可勝焉

產難

該五方

橫生

逆生

盤腸

礙產

側產

傷產

景岳云產難經日不下宜用脫花煎前催之極妙如橫
生以小釘刺手胸心三五次塩擦之縮上轉身卽生手

先出相傳曰不見塩生醫學云橫生者原腹痛辰兒未
轉身產母用力一迤遂至橫來先露手當令產母安然
仰臥以塩畧塗兒手心仍以香油抹之令洗母輕手徐
徐催上漸以中指摩其肩推上又攀其耳而正之服芎
歸黑神散以固血生血須待兒身正順臨門活生散煎
服方可用力送下

芎歸黑神散

四六

出醫學

川芎

當歸

各

百草霜

白芷

各

右爲末先煎以川芎當歸入酒

便攪勻入黑神

散二少服之

滑生散

四七阿膠

葵子

滑石

爲末溫酒入蜜攪勻服之

出醫學

逆產者因產母氣乏關鍵不牢用力太早致兒未及轉身被迫而露其足當令產母安然仰臥洗母徐徐催足入去安慰產母分毫不得驚恐內多服芎歸黑神散前四六以固血活血候兒自順若經久不生却令洗母輕緩用手催足令就一邊直上令兒一邊漸漸順下多服芎歸等藥直待兒身正轉門路然後服三蠅散前元方送下可用力錦囊云橫逆之症全要產母安心飲食無得惶惶屢見

死胎安心無催迫亦能遲遲產下全不用力况活胎乎凡有此不可令產婦盡知其情蓋驚則氣散

簡易云手足不可仁久出青者手足難入亦不可妄用催生峻藥盤腸產者乃小腸先出子產而腸未收急用熱水入香油火上潤浸軟舊布直住小腸外用醋半盞新汲水七碗調停喫產母面每一喫令一縮三喫三縮當收盡爲度又以如聖膏貼住產母頭頂心中腸上卽拭去內兼服參芪芎歸大補之藥加升柴防風以提之

錦囊云待兒與胞俱下產母吸氣提上穩妥以香油塗手徐徐送入嚙面乃驚寒氣提多致誤事不若以皂角末吹鼻則腸收景岳云嚙面驚則氣散反致他疾戒之

如聖膏

四八

出醫學濟陰

一方用草蘇七粒研成膏塗頂上

一方巴豆

六粒草蘇

四

九粒麝香

二

共研如泥

搽額上貼之

一方用明礬滾水泡湯溫洗卽收

一方用只壳二兩煎湯去滓溫浸卽收

一方用磨刀水半盞火上溫之以潤其腸後用好礞石

煎湯一盞服之卽收

一景岳云以半夏末搗鼻腸自上

一簡易用火紙燃以麻油潤滲點著吹絕以

烟薰鼻腸卽上

一景岳云盛以淨潔漆器濃煎黃芪湯浸之腸自收

一礙產者因兒翻轉臍帶絆住其肩雖正身而不生當

令產母仰臥洗母以手托起頭下其臍帶內服芎歸黑

神散

前四六

候兒正順方可用力送下

出醫學

一側產者乃兒方轉身被母用力一迫以致兒頭偏隆

當令產母仰卧多服固血藥令洗母用手正之方可用力送下

以上各症全賴人事輕手巧妙非藥力所能及也大要

產母安心為上音莫交上也出醫學

一傷產者驀然口噤乃因誤用催生峻藥傷其氣血宜

急用安胎飲前過日而產可也或目翻口噤面黑唇青

口中吐沫者宜霹靂丹或來甦散前無憂散前鬼腦凡

前皆能治傷產甚有奇效或有因子欲產兒枕先破敗

血暴住而然宜用壩鼓散

霹靂丹四出醫學 訣云 蛇蚕兩退男子髮黑鉛草鞋

銀為衣蛇蠅一條 蠶蠅二男子髮一燒 黑鉛三 路上

草鞋一燒 乳香五分 水銀七分 為末用猪心血為丸 梧子

大金銀片七為衣每服二倒流水灌下或入伏龍肝調下

壩鼓散五 鹽鼓一以青布包之燒存性入麝香一為末

用秤錘燒紅淬酒調服一盞

一方倉卒只以新汲水磨京墨服則墨水暴兒身而出

一方用芎歸益母葵子皆能逐瘀以開產路

一集諸家治產難各方以備臨時擇用 該二方

立聖丹 一五 出濟陰 凡難產橫逆死胎不下益治神效

寒水石 四五月半生 入硃砂同研如深桃花色為度每用

三分井花水調如薄糊以紙剪如杏葉大攤上貼臍心

候乾再易不過三次便產

勝金丹 二五 出簡易治產難神效以敗兒筆頭一枚燒灰

研細搗生藕汁下之立產產母虛寒煖湯服

一備採諸家治產難單方以便急用 該十六方

一方用桂心 少 為末童便酒調服神效錦囊 各救生散治橫逆

一方用臘月兔頭一枚燒灰為末葱白調下 二 立產

一方人參同乳香丹砂以鷄子白姜汁調 服本方云治橫逆母子俱安

一方用益母汁服能治死胎

一方山查核桃仁大棗枳實吞之立下

一方蜂蜜調麻油各半服

一方用蒲黃 二 水調服 本方云治胞衣不下神效 一方釜下墨塗 足心

一方以牛屎熱塗腹上簡易云死胎及胞不下並治

一方磨刀水塗腹上

一方以紫蘇煎湯洗產戶甚效景岳用治寒月氣滯並治胞衣不下

一方治橫逆手足先露以鹽塗兒手足心及產母腹

一方令產母以自己髮梢含於口中令其惡心作嘔即下

一方以黑丑為末酒調服本方云臨月服此則活胎易產

一方革麻子搗塗手足心

一方用伏龍肝研細每服一少酒調下

死胎該入方 醫學云此因驚動太早或犯禁忌或抱腰太

重或頻探試水胞先破血水既盡而胎乾涸其候指青

甲黑子母俱損若舌黑而脹者子已死宜急用奪命丹

濟陰云大法寒者熱以行之熱者涼以行之燥者滑以

潤之危急者毒藥以下之

奪命丹五訣云 奪命丹內有桃仁丹苓桂芍各等分 蜜凡化服白湯下已未死胎取效頻

桃仁 丹皮 茯苓 赤芍 桂心等分 右為末煉蜜凡

重三每一凡入口嚼化白湯滾下入醋少許溫服未出

再服最效穩當無比於此未損者安已損者下又云以

葱白濃煎溫下二凡則爛出如泥如指甲青黑脹悶不

食口中極臭用平胃散加朴硝五其胎化血水而下

保產云此方得於異人傳

平胃散五出醫學

訣云

治死胎方平胃散加朴硝陳皮厚朴此藥忌炒水酒調其

胎化水即下散

蒼朮

厚樸

各陳皮

一甘草

八加朴硝

五

水酒煎服此藥製宜忌炒景岳有當歸去甘草如大便

閉脈實用大黃備急凡或單鹿角散

大黃備急凡

五出醫學

大黃

巴豆

乾姜

單鹿角散

五

出保產

鹿角為末葱豉煎湯調服如雙

胎一死一活用蟹爪散能令生者安死者出

蟹爪散

五

出錦囊

蟹爪

一

甘草

二

東流水

十

煎至三

盞去滓八阿膠三分三次頓服

景岳云死胎之由多

因胎氣薄弱或產母病後又非產期而覺腹中陰冷重

墜或為嘔惡或穢氣上冲而舌見青黑皆死子之症宜

速用死胎方下之然後察其虛實隨症用之若見唇舌

面色俱青母子皆危之兆

迴生丹

五

治死胎瘀血逆冲兼治婦人產後諸疾汚穢未淨一切寔邪疼痛見后備用各方門九六

桂香散

五

錦囊云服此須臾如手推下醫學各香桂凡桂心三少射香五分散末作一服酒下

一方加白芷名救苦散

琥珀凡

六

胎動能安胎死能下兼治胎前產后神效七疝八疝十二痺心腹刺痛半身癱瘓乳痛結核並治

訣云

桂附芎歸參燕地硃砂琥珀必五味阿膠石沒木沉香續斷菴蓉蜜煉治

各別

沉香

阿膠

附子

川芎

肉桂

五味

石斛

各五

牛膝

當歸

菴蓉

人參

燕地

續斷

木香

沒藥

各一

煉蜜為丸礮子大每服一丸食前午

後溫酒化開服諸症隨用改湯為引送下

孕婦臨月每日一服產時順利不覺疼痛服至十次則

飲食日倍功效不可盡述

一方有牛黃珍珠

乳香

一集諸家治死胎各方以備臨時擇用

該十

霹靂丹

六

前十五

催生五積散

六

前二十

龜壳散

六

前二五

黑神散

六

前十五出醫學並見催生門

三蠅散

前二八

如聖膏

六

前四八

貼臍上一時

即產下或拭之或貼足心內服催生藥外用皂角吹鼻見產門

芎歸湯六出醫學 黑豆先用炒熟入白水童便各一少芎歸各二少

烏金散六出濟陰 訣云地芍當歸百草霜蒲黃粉草桂軍姜四兩黑豆均為末米醋沸湯服此良或產難或熱病或胎死腹中或顛僕或房室或

臨產驚動或犯禁忌或用下藥致胎乾死但見產母舌

面青黑為候或雙胎一死一活臨時制變

蒸地切片焙乾蒲黃酒炒當歸 交趾桂 楊芍藥 軍姜去皮

粉草各一兩 小黑豆四兩 百草霜五兩 為末每小半米醋半合

許浸湯七分浸起溫服若猶疑二者以佛手散坤三探

之如未死者安若已死者以藥進服更進桂香散前六

須臾如手推下吾常用催生以好滑石半兩葵子五十粒槌碎黃柞木七分葱白二寸順流水調下

如神飲六出濟陰 治妊娠三个月胎死腹中不出

訣云腹皮赤芍芍榆白皮活石茯苓与當歸瞿麥草芍冬葵子各為粗末服之宜大腹皮

赤芍 榆白皮各三兩 當歸一兩 滑石七兩 瞿麥 葵子

茯苓 黃芩 粉草各半兩 右各味為粗末每四少服

葵膠湯六出簡易 治胎死腹中乾燥等症

良模卷 死胎 三六

葵子一斤阿膠二斤水五斤燂取二斤頓服未出再煎服

丹桂散七出簡易治胎死不出官桂末丹皮川芎

葵子各二為末每服二小葱白湯下

下胎凡一七出婦人良方治產難橫逆死胎与胞衣不下母氣欲絕每服三五丸至七八丸

半夏生用白蘇各半為末滴水凡梧子大用半夏湯下

牛膝凡二七出濟陰下胎死訣云金藤牛膝蜀葵根肉桂半射香温為末

糊凡梧子大乳香湯下死胎香牛膝紫金藤蜀葵根各七當歸四

肉桂仁麝香分五為末米糊凡梧子大硃砂為衣每服五十丸乳香湯下

宜明礪砂散三七出濟陰治死胎 礪砂 當歸各一

研極細分二服温酒下

瞿麥飲四七出良方治子死腹中母氣欲絕 瞿麥六

通草 桂心各三牛膝 榆皮各四右切細用水九斤

煮取三斤去粗為三服頓飲即下

一方無榆皮有天花四升大能墜胎

一字散七出簡易治子死腹中与胞衣不下鬼白不拘

多少黃色者去毛為末以手指研如粉極細為度此藥

每服三少用無灰酒一盞煎八分服立生如神

一備採諸家單方以便急用

該二十七方

一方樸硝為末每

二順流水調下甚者溫童便調服胎下母活亦

治胎衣不下

錦囊云產母面青指甲青舌青口臭是死胎宜用此方

一方草紙燒烟薰鼻

即下

一方珍珠為末酒調服

出盡立

一方用神砂一以水煮數沸為度取酒服之立出

一方葵子為末酒調服口噤不開擦口灌之藥下即活

一方鹿角屑一葱白五莖豈豉半合水煎服

一方鹿角一月燒灰存性為末每三少溫酒調下

一方水銀半一桂末三少溫酒下粥飲亦宜

一方錫粉水銀各一少棗肉凡如豆大水吞下立出

一方鷄子黃一生姜自然汁調勻頓服

分娩用芫荽羹粥食補之

一方瞿麥二搗碎入水煎服 一方紅花焙服二三盞

一方鍋底墨酒調服 一方取夫尿二斤焙沸令飲之

一方米麥赤小豆同焙濃汁服立出

一方以利斧煨赤置酒中待溫飲之立下

一方雌鷄糞二十二枚三家米各一撮三家水各一斤合煮東面服之

一方牛屎炒令大熱入醋半盞以青布裹於產母臍上下熨之立出

一方烏鷄一隻去毛切細水燂三斤候溫適手用衣帛蘸摩腹中胎出

一方灶心黃土為末酒調服一方榆白皮燂汁二斤服

一方治月數不足胎死腹中母氣欲絕取大豆三斤醋煮濃汁頓服

一方用廣猴血少餘酒化服立產錦囊秘方予治死胎及交骨不開神效

一方用瓜萋根焙為末每服二順流水下

一方家傳秘方以甘遂南一握石灰少許二味混研以

絲作野芋形長一寸二分送入陰戶一二時即出

一方用拋皮燒為末入溫酒服

一方以木鱉根紅花蘇木鶴虱草等分水煎服

一方以梧桐皮牛膝南桃葉入水童便各半煎服

胞衣不下該五方景岳云有以氣血虛弱不得傳送而

停攔不出者其症但見無力而無別痛脹治當補氣調血

宜用決津煎或滑胎飲前十或保生無憂前十黑神散

前十之類主之並見催保產云腹不脹受按此是氣虛

決津煎

七訣云

決津煎內澤當歸膝桂地黃烏藥宜氣血疲弱宜服此不能傳送即時而

當歸

三五

澤瀉

一

牛膝

二

肉桂

三

熟地

三五

用亦可

不

用亦可

三五

不

用亦可

不

烏藥

一

氣虛不用

水煎服氣滯加木香血滯加酒炒紅花

錦囊云胞衣不下有二一因惡血入胞衣脹而

不出一

因元氣虛損而不能出氣虛者總

不萬全方

前去

參為穩當

保產云胸中痛脹手不可近此是瘀血

景岳云有惡血流入胞中脹滯不出蓋兒既脫胞帶必

下墜故胞在腹中形如仰葉仰則盛聚血水而脹礙堆

出惟老成穩妥以手指頂其胞衣以使血散或以指摸

其上口令開一角使惡露傾瀉則腹空自落矣若血滲

胞中停滯既久而為脹為痛或喘急則非逐血破血不

可也宜速用奪命丹失笑散使血散脹消其衣自下若

氣血兼虛惟決津煎為善

奪命丹

七

見前五

三

兼能下

死胎須加

當歸

一

炮附子

一

乾漆

炒烟

牡丹

各一

細末另用

大黃

一

以酒醋

斤

同

熬成膏和

前藥凡

梧桐大

溫酒吞

下七

凡

失笑散七蒲黃八五靈脂各等分爲末每服二三勺用酒

煎熱飲止痛宜減蒲黃止血宜減靈脂

一方用醋一勺熬成膏再入水二鐘煎至七分熱服

一方用醋糊凡龍眼大每一凡以童便和水各半煙煎七分溫服

醫學云皆因用力太早產下不能用力送出胞衣停久

外被風冷所乘則血澁胞脹不能下脹滿冲胸喘急痛

疼者危急將臍帶以小物或軟帛拘繫然後斷截不然

則胞上抱心而死宜內服牛膝湯或催生五積散前二十見催生劑

甚者奪命丹前七如聖膏前四貼脚心胞衣下即洗去

稍逸腸出又將膏塗頂上

牛膝湯七濟陰無赤小豆有瞿麥四牛膝赤小豆

當歸各三木香少滑石六分葵子四分水煎服如昏彙危急

服八味異神散或黑龍丹見後備用門如肺氣喘促先以鞋

底炙熱小腹次進奪命丹

八味黑神散八出醫學 訣云蒲黃赤芍地乾姜桂草

增二用童便熱蒲黃 熟地 赤芍 乾姜 桂心

甘草

各二

黑豆

四

爲末每服二熱酒童便調下

濟陰云令產母寧坐不可睡倒若寒月用斷臍法

醫學條

如前扶產婦至床靠人坐衣被皆用籠煖火覆之連進

生化湯

後九

數貼又於胞下後又服此湯以防血瘀且

於胞未下臍未斷亦宜多服以潤血枯涸氣冷氣閉血

枯胞衣不下以生化湯送加味益母凡益益母能行血

養血性善走而不傷人錦囊云婦人百病莫重於生產

產科之難莫重於催生既產莫甚於胞衣不下古方用

花薑石散最爲緊要但石藥非腸胃大虛者所宜莫如

生化保產萬全二方選而用之亦有用佛手散

坤三加九

紅花益母香附山查陳皮牛膝煎成冲童便服

一治產訖胞衣不下停久非特產後疲倦又恐血流八

胞中必致危篤急宜斷臍帶以物繫墜使血不潮八胞

中則胞衣自痿縮而下只要產母安心以物繫墜之

尤宜用心先繫然後截斷不然胞上抱心而死

最為審慎

一集諸家治胞衣不下方以備臨時擇用

該十方

催生散一八出濟陰兼治產難 訣云催生散內百草霜

為末芎歸湯調服 白芷 滑石 伏龍肝 百草霜各

甘草五分為末用芎歸湯調服立效

如聖膏二八出濟陰 草麻子百粒雄黃一研末塗足心胞下

半夏湯三八出濟陰 治胞衣不下并治死胎在腹中或血

半夏一桂七分大黃五桃仁三十粒為粗末先服四

物坤二一二服次用此藥三生姜片煎服如未效繼用

訣云此藥方各半夏湯半夏桃仁桂大黃

一蠅散四八出保產并治死胎一服即甦 蛇蠅至一條

上燒麝香少許右為末童便酒各半盞調服

加味益母凡五八出保產 治婦人面赤五心煩熱 黑豆

二合炒秤錘燒烘同淬八豆酒化下益母凡九二胞衣從

血而下諸症悉平

牛膝湯六八出濟陰 治胞衣不下腹中痛脹服 訣云

芎歸牛必与蒲黃桂朴硝各牛膝湯 牛膝 川芎

生地一少姜水煎胞衣不下服之良 樸硝 蒲黃各七當歸一桂心五分右剉細每服五分

加生姜三片生地一少煎服

加桂芎歸湯

七八出濟陰

治胞衣不下產母元氣虛弱以此溫之自下

川芎

當歸

各三官桂四剉煎服

花蕊石散

八

治產后敗血不盡血迷血暈盆胎死腹中

胞衣不下至死心頭猶煖者急用一少化下其效如神

花蕊石

一

上色硫磺

四

各研細和勻先用紙泥封固尾

確一少八二味仍封固陰乾如急用以火炙乾用炭火

煨赤去火毒次日取出細研每二少童便熱酒下

胡氏曰治胞衣不下惟有花蕊石散一件最為緊要

膝葵湯

八

出簡易

牛膝

一

葵子

一

右

剉水一斤燂至半斤去滓分二服

千金備急丸

九

出濟陰

治產后惡血冲心胞衣不下腹中血塊

錦紋大黃

一為末用釀醋斤半同熬膏凡如梧子大溫醋湯下五七

凡須臾惡血下而愈

黑神散

九

出醫學

黑豆

三

洗淨炒香蒸入醋一大碗

煎數沸去豆分三次服益無酸惡之味神效

獨勝散

九

出簡易

芒硝

三

水酒各一鐘煎

至七分八童便半煙搗服

一備採諸家胞衣不下單方以便急用 該二十四方

一方真全蝎為末調服 醫學云最神效 一方紅花 一酒焙濃服

一方產婦鞋底熨臍即出 一方灶突墨酒調 服本草云速效

一方五靈脂為末酒 調下 一方蛇蝎燒為末酒下 三

一方京墨 三 為末酒調服 一方小麥合小豆 焙濃汁飲立效

一方黑牛糞畧炒帶潤以布裹之束於腹 上立出 神效

一方以本婦頭髮攪入喉 中使之作嘔其胞自下 景岳云嘔則氣升血散胞軟自下

一方皂角燒為末每服一以溫酒調下 景岳云神效

一方灶中黃土 一 研細醋調勻納于臍中煎 甘草湯服之立出

一方生地汁 一 苦酒 三合 煖飲之 一方鷄子 一枚 苦酒 一合 和飲之

一方甞吞小豆七枚生女吞十四枚即出

一方取大單衣蓋井上立出

一方蒺藜實 一 研細酒便 各 盞煎 七 去滓 溫服先寢用根亦可

一方取初生洗兒頭湯飲一盞勿令產婦知之

一方以鹿角鎊 音旁 削也 為屑研細 三 焙葱白湯調下

一方欲產時必先脫常所著衣以籠灶則易產 胞亦易下

一方伏龍肝百草霜蛇蝎爲末熱酒調服

一方以白芥

食之熱水下芥子亦可

一方伏龍肝五簾葉

搗水飲之

藏胞吉方

出醫學

其法用生氣方忌月空三殺太歲方此

方不便則用曆日奏書博士月德方

俗置河中甚非

生氣方

正子

二丑三寅順行十二支

三殺月空太歲方

如子年以子方爲太歲餘倣此

奏書方博士方

俱詳在曆日

月德方

四

產后惡症

該九症

一臨產時胞衣既下氣血俱虛眼黑頭

眩神昏口噤昏不知人古人多云惡血乘虛上攻故致

血暈不知其症有二日血暈日氣脫也若以氣脫而行

血暈用辛香逐瘀化痰等劑則立死可不慎諸

一氣脫因產際去血過多氣亦隨之而去以致昏暈不

省微虛者少頃卽甦大虛者脫竭卽死細察眼閉面白

口開手冷六脉微細之甚卽氣脫症也急用人參二兩

煎湯徐灌入但得下咽卽可救常見產后不可用人參

之戒必過七日方可用參此等愚昧之說

寔爲貽害於萬世

錦囊一方

當歸

二

益母

一

人參

二

紅花

六

黑姜

八

水煎冲童便熱服 一血暈由氣虛所以一時昏暈然

血壅痰盛者亦或有之如形質氣脉俱有餘胸腹痛脹

上冲此血逆症也宜失笑散前七若痰盛氣粗宜二陳

湯日九如無等必屬氣虛大劑芎歸湯入珍湯之類

一卒昏倒未及藥餌以燒錘秤令赤用器盛置床前以

醋沃之或以醋塗鼻口或燒舊漆器以烟薰之皆可急

用若虛之甚急宜大補 一產母子宮不收宜補中益氣湯坤一

一產后子宮不閉用荊芥藿香椿根白皮煎服薰洗神效

一產后子腸不收用枳壳訶子五倍子白礬煎湯薰洗

未收再灸頂心百會穴數壯即上

一子宮脫出草蓆子四十粒炒研爛塗頂心八即洗去

一產后陰脫用絹袋盛炒熱蛇床子熨之亦治陰痛又

法用蛇床子五烏梅十枚煎水日洗五六次錦囊以硫磺

烏賊骨五味子末摻之 產后調治一凡正產體實無

病不藥可也但難產氣衰瘀血停留非藥不行古法用

芎歸湯前加童便半鉢服或淡醋磨京墨調服且閉目

少坐後用人扶上床宜仰卧立膝宜高枕厚褥宜禁風
再用人手從心按至臍下如此三日不可寐睡宜頻頻
喚醒以防血暈血迷夏日房中不可大熱及多人氣產
母宜薄衣不可透風用扇冬月宜密閉房戶四圍炭火
常令溫煖下部衣裳不可去又時加醋炭或磚瓦燒烘
醋淬或燒乾漆與舊漆器以防血暈食無太飽力無少
勞離床洗浴不可太早當時不覺大害後卽成蓐勞將
息百日過方可入房出匡學錦囊禁多飲酒恐引血入四

肢戒七情勿可梳頭忌言語愛憎喜怒不可獨宿不可
刮舌刷齒犯時微若秋毫成病重如岳產后不可食鹽
鹽能止血無乳汁發咳保產云兒下時卽服生化湯數
貼如腹饑甚服一貼後卽食白粥不可過飽片時卽服
完如未食而能服完者甚效如虛甚不便服藥則先童
便半鐘少入熱酒服之後服藥則瘀血化下新血驟生
百病悉除每服一貼則精神漸增自不厭藥之類七日
常服亦好或血塊未除再服如勞倦太甚形脫而喘急

加人參三頻灌無憂產后良方無如此見後備用治兒枕痛

以生化湯後九合不換金正氣散日二百煎服

起枕散三九出濟陰余常用屢野治惡血不行腹中塊痛甚危訣云牡丹白芍

藥蒲黃五靈脂白芷玄胡當歸白芍各三川芎仁

童便服腹中塊痛服之宜當歸白芍各三川芎仁

官桂 玄胡 牡丹 蒲黃炒五靈炒沒藥 白芷各

水煎入童便空心服 家傳秘方用川練嫩葉入食塩

少許爛和水服 小兒初生調治詳在幼幼須知卷

產家備用各方

秘傳濟陰丹四九出保產 錦囊無姜活有赤芍六

名返魂丹益母草石白末八月當歸 川芎各三廣木香

錦囊云治生產諸橫逆死胎及胞衣不下產煎多清熱

養血之功產后有推陳致新之力治婦人胎前產後諸

症功效甚多其法端午日或六月六日採益母莖葉帶

花陰乾忌鉄共爲末煉蜜和凡不拘大小每服二如體

厚及危症便當連進應手取效大有廻生之力隨症換湯引用

一臨產羅生童便和酒下 一妊娠臍腹絞痛砂仁碎煎湯下

一橫生逆產與胞衣不下腹痛危迫童便和酒化下酒亦可

一胎不安血不止當歸砂仁煎湯下

一產后童便和酒連進兩服能逐瘀血生新血

一死胎冷痛危迫童便和酒煎一沸化下

一產后惡血不盡臍腹刺痛童便和酒下

一產后渾身骨節疼痛温米泔湯下

一產后昏倦眼花口乾煩燥狂言見鬼不省人事童便和酒荷荷汁下

一產后煩渴呵欠不思飲食手足疼痛或麻木温米泔湯下

一產后浮腫氣喘而小便澁咳嗽惡心吐酸脇痛先力温酒化下

一產后誤食酸物嘔漏下狀如鷄肝脊背悶倦秦芫糯米或桂枝湯

一產后未滿月誤食冷物與血相繫或積滯或痢或瀉

一產后中風牙關緊急失音不語半身不遂童便湯下

一產后鼻衄血乾舌黑童便化下

一產后赤白帶沒藥阿膠煎湯下或秦芫糯米湯下

一產后誤食熱物結成腹塊倦怠盜汗月事不調似骨蒸癆童便和酒下

一產后大便閉心煩口渴童便酒下

一產后寒熱如瘧臍腹作痛桂枝煎湯下

黑龍丹

五九

出錦囊

訣云

生地芍歸百草霜靈脂琥珀
又良姜乳香硫磺花蕊石臨

用生薑
頓服良

治產后難生或胞不下產后血暈不省人事血

崩惡露腹中刺痛血滯浮腫血入心經言語顛倒血風

相搏身熱頭痛或類瘧疾胎前產后諸症垂死無不救

活者

靈脂

當歸

生地

川芎

良姜

各二兩

入砂埧內紙筋盪泥封固煨候冷取出研細入後藥

百草霜仁乳香

生硫磺

琥珀

花蕊石

各二兩

為末同前藥和勻米醋煨麵糊凡碑子大臨用炭火煨

烘投入生姜汁淬之以無灰酒并合童便

頓服神效不可
盡述

廻生丹

九六

出簡易景岳無馬鞭益母三稜

治一切胎前
產后最驗

錦文大黃

一斤

蘇木

三兩打碎河水九
碗煎取三碗

米醋

九斤陳
者佳

大黑豆

三斤水浸取壳絹袋壳与豆煨熟
去豆不用將壳晒乾其汁留用

紅花

三兩炒黃色入好酒四碗
煎三五沸去滓留汁

右將大黃末

一斤入淨埧

入醋

三斤

文武火熬之以長木筋不住手攪之成膏再加

醋三斤熬之次第加悉然後加黑豆汁三碗再熬次下蘇

木汁次下紮花汁熬成大黃膏取八瓦盆留之糝赤錘

下入後藥同研 人參二 當歸二 川芎各酒洗 香附

玄胡各醋炒 蒲黃隔紙炒 蒼朮米泔浸炒 茯苓 桃仁去皮各二 牛膝

地榆各酒洗 白芍酒炒 炙草 姜活 橘皮 馬鞭 木瓜

青皮 白朮米泔浸炒各三 烏藥三 益母二 良姜 木香

各四 葵子三 乳香 沒藥各二 蒸地酒蒸如法 三稜醋浸透紙裹煨

五靈酒煮焙研 山茱酒蒸各五 右三十味并前黑豆壳共乾晒

為末入石臼內下大黃膏拌勻再下煉熟白蜜斤一共搗

千杵取起為丸每凡二 淨室陰乾須二十七日不可

日晒火烘乾後只重二 有零蜂蠟護之用時去蠟調服

隨症換湯引用列后 一臨產用人參湯服一 則分娩

全不費力無參用淡炒鹽湯橫造者同治氣血及損宜多用參

一子死腹中車前子一 煎湯調服一 無不立下其效如

神若血下太早子死用人參車前各一 煎湯服先參用陳皮酒煎

一胞衣不下用炒鹽炮湯調服一 產后血彙用荆芥湯調服一

一產后三日氣血未定血暈眼花用滾水調服

一產后七日不食與血聚胸中痞悶口渴煩燥滾水下

一產后虛羸血入心肺熱脾八胃寒熱似瘧非寔瘧也宜滾水下二三凡

一產后敗血走注五臟轉滿四肢停留化為浮腫渴而

四肢覺寒乃血腫非水腫也燈心煎湯下

一產后敗血極熱煩燥顛狂非風邪也滾水下

一產后敗血流入心孔閉塞失音用乾菊花三桔梗二

煎湯調服二凡 一產后月中飲食不謹時兼恐怒氣

敗餘血流入小腸閉却水道小便結澁溺似鷄肝木通

四分煎湯調服 一產后百節開張血入經絡停留日

久虛脹痠疼非濕症也用蘇梗三分煎湯調服

一產后惡露未淨飲食不調以致崩漏形如鷄肝色潮

熱煩悶腰背拘急白朮三陳皮一煎湯調服

一產后血停於脾胃脹滿嘔吐非胃翻也陳皮湯下

一產后敗血入臟腑奔走臙膚四肢面黃鼻衄口乾遍

身癢點危症陳皮湯化下

一血流入大腸閉却胎門大便澁難有瘀血成塊如鷄

肝者用陳皮三分煎湯調服

一產后小便澀大便閉乍寒乍熱如醉如癡滾水下

以上諸條皆敗血之害故此丹最有神効又如產后一切異症醫所不識人所未經弁服此丹無不立効一凡未應連進二三凡必効無疑又胎前常服此丹壯氣滋陰養胎順產和平臟腑調理陰陽室女經閉月事不調眾疾皆効

生化湯九出保產景岳有熹地三此方行中有補化中

有生寔產后之聖藥以其能去舊而生新也故名之凡

產家預備數貼至胞破卽蒸一貼候兒生下卽服婦人

臨產雖壯寔人亦宜連服數貼以防他虞卽佛手散之

變方也 當歸八川芎四桃仁十三粒乾姜五炒黑

炙草五水二盞煎七加酒童便少許稍熱服先煎一貼

服再以一貼煎服兩渣共置一處又煎服要在个時辰

內未進飲食服完爲妙則血塊速化新血自生倘惡露

未淨當連進服病退乃止諸症如減具列于左凡產后

理應急補但惡露未盡用補則滯參芪須得化又能生

故無損氣行中帶補方始萬全世以四物為產后要藥

誤矣蓋地黃滯血芍藥酸寒無能補也故立生化一方

產后諸症能事畢矣 一勞甚血崩形脫加人參三頻

服汗多加黃芪煩燥加竹茹渴加麥門五味喘加杏仁 桔梗

一大便不通血少腸燥加麻仁茯苓或服當歸數斤虛

加人參三勿用下藥參乃權宜之用於危急際法曰七日

甚則攻心而死一七日內感寒冷血塊凝結痛甚加桂五分

一肥人有痰暴怒卒中加天花粉竹瀝姜汁形損無汗

加鹿角炭仁以本湯送下滾醋入嘴瓶冲童便薰鼻即

醒形不脫不可加參 一血暈昏倒不省人事其症有

三一因困倦氣竭二因血去過多元氣欲脫三因痰火

乘虛上泛內服加味本湯外用磚瓦燒烘醋淬薰之仍

以本湯加荆芥橘紅煎服汗多加參芪惡露未盡不可

妄用腹痛加肉桂痰加竹瀝姜汁脉絕加人參四麥門

五味各少塊痛甚以本湯吞班龍散乃鹿角燒存性去火毒為末每二少

一氣欲絕牙關緊閉用管入喉中灌之不拘數貼外用
熱手在單衣上揉心腹頻換衣熱裳以煖之病退而血塊
未除又去參芪只服本湯以除塊痛待痛止再加參芪
一惡露不下乃氣血虛損外爲風寒乘搏以致敗血不
行壅滯爲害止服本湯若血行不止由傷損經絡故淋
瀝不止如七日以外用加味四物湯補而止之七日內
用本方加荆芥子一發厥乃勞損傷脾孤臟不能注
於四旁陽氣下衰而爲厥逆必倍加人參附子二少以

回陽止逆棗一枚煎服厥回減參痛盡又用大抵治彙治

厥如有血塊參朮不可遽加無血塊參朮地黃並用先

一血崩形脫氣促多汗去乾姜加荆芥四分肉桂五分棗二枚

煎服只兩貼後不用汗多加參芪朮渴加麥門瀉加茯苓

苓脉伏加麥門五味痰加竹瀝姜汁喘加杏仁貝母桔

梗驚悸加棗仁栢子鮮血來多加白芷升麻

一產後發熱頭痛三陽症加陳皮三分棗三枚煎服如果有

感身風寒加姜活四分連鬚葱頭四分嘔吐加藿香三分生姜

三汗多氣促微喘加人參二燥渴加人參麥門五味各
寒乍熱發有常度加柴胡四有痰加天花粉桔梗各
一治中風類症氣息欲絕雖虛火上泛爲痰當從本
治不可用治風消痰之劑則重傷其血但服本方如有
痰有火少加麥門竹瀝姜汁之類如芩連知栢斷不可
用慎之如汗多口噤抽搐與盜汗本方去桃仁加參芪
各二半麻黃根七天麻八荆芥防風各四棗煎服痰加
竹瀝姜汁神脫加人參附子大便秘加麻仁

一氣短喘鬱本方加人參二茯苓一汗多去之

一旬日內感風寒咳嗽聲重有痰去乾姜加人參貝母桃仁

桑白皮杏仁橘皮半夏燥以天花代之痰盛加竹瀝姜汁

一忿怒氣逆腹滿血塊大痛加木香三磨服

一產后食胃弱停滯宜審所傷何物傷食完穀不化減

桃仁加山藥二肉蔻一傷肉加山查砂仁冷物作痛加

桂枝莫菜虛加人參痛加桃仁痛止加白朮傷麥物加神曲麥芽

一胃臑痛及風寒乘虛入腹作痛加肉桂八分莫菜七

姜三斤煎服傷何物加導藥治之

一血塊未除而泄瀉加茯苓蓮子訶子生姜

三斤煎服不止
加人參

一痢疾減乾姜加茯苓木香

一產后血塊未除而霍亂去桃仁加茯苓砂仁藿香陳

皮煎服手足冷加附子生姜三斤有汗忌姜

一血塊未除嘔逆不止加人參砂仁藿香生姜

一小腹作痛加肉桂五分玄胡三分塊痛止去之若無塊痛

臍下疼痛加蒸地三一上體多汗加麻黃根下體多

汗加漢防己益兼加黃芪陽虛厥逆加桂附煩熱加牡

丹骨皮 一外傷寒濕加蒼朮白芷

一噤口如中風狀反張瘈瘲如荆芥防風各三四分

一產后血不止或如漏屋水沉黑不紅或斷或來或如

水或有塊淋瀝不斷此氣血大傷之候不可誤用寒涼

脈浮脫者加附子諸輩陽分藥否則無救

一血積食積腸有燥糞臍腹脹痛加大黃三分

附算胎法先尋母歲上別之次加胎月在中宮後以父

歲置居下成卦陰陽乃斷之

假如母二四六八十以二列其上胎月居中父歲一

三五七九再以一居中父歲五十二以二在下成坎卦如
母歲三十五以一在上五月胎以一居中父歲五十一
以一在下成乾卦如母歲三十四以二在上五月胎以
一居中父歲五十五以一在下成兌卦如母歲三十七
以一在上五月胎以一居中父歲五十六以二在下成
巽卦奇為男
偶為女
又法父母之年上下置受胎之月從中據

乾坎艮震是為男巽離坤兌是成女

坐草良模卷畢

清義敬書

子野直平不宜斷則用創創創創創創創創創創創創
不真重冥時時時時時時時時時時時時時時時時時
用創去限創創創創創創創創創創創創創創創創創
。時有無而更時時時時時時時時時時時時時時時時
急於重時當味血汗屏景忌煖盡以閉其張
時當斷斷以忌寒亦以慎因難為難曰斷不若其良野
於陣不心財買屏少重於以創創創創創創創創創創
外氣障少暑為熱熱之屏難或交難難難難難難難難

